

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Paasissutissiissutit**

**Imm. 02 2011-mi februaarip qulinngiluaani Maniitsumi naapilluni Ilaqutariinnermut ataatsimiititaliap ataatsimiinnissani qinnuteqaataa pillugu paasissutissiissut.**

**Imm. 02a Maniitsumi ineqarnermut akiitsut pillugit nassuiaat.**

**Imm. 03 Meeqqat atuarfii pillugit 2011-mi isumasioqatigiinnissaq pillugu paasissutissiissut.**

**Aningaasaqarnermut tunngasut**

**Imm. 04 Aningaasaqarnermut ataatsimiititaliap 2010-p naaneranut aningaasaqarnermut nalunaarusiaa.**

**Imm. 05 Ingerlatsinikkut 5 procentinik sipaarniuteqarnissaq.**

**Imm. 06 2012-imi aningaasanut inatsisissamut sanaartugassatut kissaatigisat qinnutiginis-saaat.**

**Imm. 07 Maniitsumi Piareersarfimmi konto-nik pilersitsinissamik aammalu 2011-mut aningaasaliissutit iluinit nuussinissamik qinnuteqaat.**

**Imm. 08 Nutaamik Utoqqaat Angerlarsimaffiliornermi sanaartornermi naatsorsuutit, Maniitsoq.**

**Imm. 09 Kangaamiuni Pilersuisup illuutitoqaasa katersugaasivinngortinneqarnissaat siunertaralugu pisiarinissaannut qinnuteqaat kiisalu 2011-mut ukiunullu 2012-imit 2014 tikillugu missiliuuteqarfiusunut ingerlatsinermi aningaasaliissuteqartoqarnis-saanik qinnuteqaat.**

**Imm. 10 2011-mi Arctic Circle Race-qarnissaanut tapiissutit.**

**Imm. 11 Qeqqani Inuussutissarsiutinut Siunnersuisoqatigiinnik kiffartuussinissamik isumaqatigiissut - 2011.**

**Suliassat nalinginnaasut**

**Imm. 12 Pisiniartarnermi politikki.**

**Imm. 13 Nunami sumiiffiup sinniisaatut aaqqissuussinermi kommunit misilittagaat pillugit tusarniaaneq.**



- Imm. 14** Pisortat ingerlatsineranni suliassat suliarineqartarnerat pillugu inatsisip allangortinneqarnissaanut siunnersuutip tusarniaassutigineginera.
- Imm. 15** Aluminiumik aatsitsiviliornissamut atatillugu nunanit allamiunit sulisoqarneq.
- Imm. 16** Nunap Immikkoortuisa Ineriartortinnissaannut Pilersaarut Qeqqata Kommuniata ilaatikkusutai.
- Imm. 17** Nunaannarmi Nuna tamakkerlugu pilersaarusiortarnermut akisussaaffimmik tigusineq.
- Imm. 18** Kommunimi pilersaarummut tapiliut nr. 40-tut siunnersuut.
- Imm. 19** Akiani Maniitsumilu nutaanik inissialiorfissat pillugit najoqqutassatut oqaluuserinnineq.

**Sulisoqarnermut tunngasut**

- Imm. 20** Atorfeqartitanut tunngasutigut paasissutissiineq februaarip 1-ani 2011-meersoq.
- Imm. 21** Tamalaat.

Ataatsimiinneq aallartippoq nal. 08:30  
Ataatsimiinneq videokonferenci atorlugu ingerlanneqarpoq

*Peqataasut:*

***Atassut***

Søren Alaufesen, Sisimiut

***Inuit Ataqtiguit***

Katrine Larsen Lennert, Sisimiut

***Siumut***

Hermann Berthelsen, Sisimiut

Karl Lyberth, Maniitsoq

*Nalunaaruteqarlutik peqataannngitsut:*

Karl Davidsen (S), Maniitsoq

*Nalunaaruteqaratik peqataannngitsut*

## **Imm. 01 Oqaluuserisassat akuersissutigineri**

**Aalajangiineq**

Oqaluuserisassat akuersissutigineqarput.



**Imm. 02 2011-mi februaarip qulinngiluaani Maniitsumi naapilluni Ilaqutariinnermut  
ataatsimiititaliap ataatsimiinnissani qinnuteqaataa pillugu paasissutissiisut**

*Journalnr. 01.02.03*

Tunuliaqutaq

Aalajangersimasumik sammisaqarluni ataatsimiittarnissaq aammalu Ilaqutariinnermut ataatsimiititaliap ataaniittunik suliffeqarfinnik pulaartarnissaq siunertaralugu ukiumut marloriarluni naapilluni ataatsimiittarnissaq Ilaqutariinnermut ataatsimiititaliap kissaatigivaa.

Maleruagassatigut tunngavissaq

Qeqqata Kommuniata karseqarnermut naatsorsuuserinnermullu malittarisassai

Pissutsit atuuttut

Ilaqutariinnermut ataatsimiititaliap tullissaani ilaqutariinnermut ataatsimiititaliap ataatsmiinnissaa 2011-mi februaarip qulinngiluaani Maniitsumi ingerlanneqarnissaa kissaatigaa, februaarip arfineq-pingajuani aallaruni februaarip qulingani uteriarloqarsinnaalluni. Tassunga atatillugu ataatsimiititaliamut tamakkiisumut suliffeqarfinnut pulaartoqassaaq aalajangersimasumillu sammisaqartoqarluni oqallittoqassalluni.

2011-mi aggustip qaammataani Kommunalbestyrelsen ataatsimiinnissaatut pilersaarutasumut atatillugu, Ilaqutariinnermut ataatsimiititaliap tassunga assingusumik Sisimiuni ataatsimiissinnaanissaa naatsorsuutigineqarpoq.

Uani pineqarlutik Ilaqutariinnermut ataatsimiititaliamut ilaasortat pingasut allaffissornikkullu suliaqartut pingasut angalanissaannut ineqarnissaanullu aningaasartuutit.

Aningaasaqarnikkut allaffissornikkullu kingunerisinnaasai

Ilaqutariinnermut ataatsimiititaliamut ilaasortanut pingasuusunut angalaneranut ineqarnerinullu aningaasartuutit 22.800 koruuniusoq matussuserneqassaaq konto 10-01-00-05-01-miit

Atorfilittat pingasuusunut angalaneranut ineqarnerinullu aningaasartuutit 22.800 koruuniusoq matussuserneqassaaq konto 11-00-19-05-01-miit

Qullersaqarfiup oqaaseqaataa

Allaffeqarfiup naliliinera

Allaffeqarfik naliliivoq, Ilaqutariinnermut ataatsimiititaliap ataaniittunik suliffeqarfinnik pulaartarnissamik aalajangiineq pitsaasuusoq. Malitsigisaanik immikkoortumi aalajangiisarnissamut tunngaviusoq piviusorsioruussaaq, ataatsimiititaliap suliffeqarfinni sulisuusunik oqaloqatiginnereerluni pulaareerlunilu takussutissaqalereerluni soqutiginninnermillu takutisereerluni immikkoortumi aalajangiisarnissaa. Soorluttaaq tassunga atatillugu assersuutiginnarlugu Innarluutilinnut immikkoortumi sammisaqarluni ataatsimiittarnissaq aallaaviulluarpoq, tamatumani suliffeqarfiit tassunga attuumassuteqartut pulaarnissaanut periarfissaqarluni.

Allaffeqarfiup innersuussutaa

Ilaqutariinnermut ataatsimiititaliap siulittaasuata Borgmesterimut innersuussutigissavaa:

2011-mi februaarip qulinngiluaani Ilaqutariinnermut ataatsimiititaliap Maniitsumi imminnut naapilluni ataatsimiissasoq

Aningaasartuutit katillugit 45.600 koruuninik annertussuseqartut kontomit 10-01-00-05-01 aamma kontomit 11-00-19-05-01 akilerneqassasut



*Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera*

Ilaqutariinnermut ataatsimiititaliap siulittaasuata suliamik sularinninnera

Ilaqutariinnermut ataatsimiititaliap siulittaasuata 2011-mi januaarip 14-ani innersuussut akuersissutigivaa.

Borgmesterip suliamik suliaqarnera

Innersuussut januaarip 17-ani 2011-mi akuersissutigineqarpoq, taamaattorli billetsit aappalaartut (rød billet) atorneqassapput.

Aningaasaqarnermut ataatsimiititaliaq tulliani ataatsimiilerpat aalajangiineq pillugu ilisimatinneqassaaq.

**Innersuussut**

Suliaq aningaasaqarnermut ataatsimiititaliamut paasissutissatut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

Ilanngussaqanngilaq



## **Imm. 02a Maniitsumi ineqarnermut akiitsut pillugit nassuiaat**

*Journalnr. 32.01.09*

### Tunuliaqutaq

Maniitsumi ilaqutariit 50-it inigisaminnut akiitsoqarnertik pequtugalugu anisitaasussanngortut tusagassiutitigit saqqummiunneqarnerat tunngavigalugu, Ilaqutariinnermut ataatsimiititaliaq Aningaasaqarnermut ataatsimiititaliamut nalunaarusiorpoq.

### Maleruagassatigut tunngavissaq

Pisortanit ikiorsiissutit pillugit Inatsisartut peqqussutaat nr. 15, 20. november 2006-meersup kapitali 6 Immikkut ittumik pisoqartillugu ikiuutit § 20, imm. 2 ataasiartumik aningaasartuutitigit ikiorsiissutit.

### Pissutsit atuuttut

Maniitsumi ilaqutariit 50-it ineqarnermut akiitsoqarnertik pequtugalugu inigisaminniit anisitaasussanngornikuupput. Taama akiitsoqalersimaneq assigiinngitsorpassuarnik peqquteqarpoq, amerlanerpaallu qaamammut isertitaminnik aqutsinerlunnerat patsisaalluni, ineqarnermut akiliutissaraluatik allanut atortarmatigit. Taamaattoqartillugulu inatsisitigit ikiorsiissuteqartoqarnissaa periarfissaqanngilaq, taamaattorli ilaqutariit aningaasaqarnerini siunnersuisinnaanerit ilitersuninissallu pisussaaffiullutik, tassa innuttaasoq ikiorsiissutinik qinnuteqarluni saaffiginnissuteqarpat.

Inigisamut akiitsunut akiliutissanik tunngaviusumik ikiorsiissoqarsinnaanngilaq, tassa innuttaasup nammineq akiliuteqarnissi isumagisassarimmagu. Innuttaasulli namminneq pisuussutigiinngisaminnik taamatut inissisimalersimasut, qaqutigoortumik aammalu Ilaqutariinnermut Immikkoortortamut saaffiginninnermikkut akiitsumik akilernissaannut ikiorserneqarnissaminnut periarfissaqarput, tassa inoqutigiit isertitaasa misissuiffigereernerisigut. Maniitsumi Ilaqutariinnermut Immikkoortortami pissutsit ilisimaarineqarput, aammalumi kukkusooqannginnissaa malinnaaffigineqarluni, assersuutigalugu innarluutillip akiitsoqalinnginnissaa eqqarsaatigalugu.

INI allamik inimik neqerooruteqartussaataavaoq, Ilaqutariinnermullu Immikkoortortaq Politiillu INI peqatigalugu qaammammoortumik ataatsimeeqatigiittarnermikkut suleqatigiilluarput, tassa innuttaasut pingajussaannik akiitsuinik eqqaasinneqarsimasut akiliitsiniartartumillu saaffigineqareermikkut anisitaasussat eqqarsaatigalugit. Taamatut suleqatigiinnikkut allamik inissamik neqerooruteqarnissaq qulakkeerniarneqartarpoq. Inigisaminnik anisitaasussanngortut allattorsimaffiat ataatsimiinnerni sukumiisumik misissorneqartarpoq, ineqarnermullu akiitsuminnut ikiorsiiffigineqarnissaminnik qinnuteqartoqarsimappat, INI tamatumingga ilisimatinneqartarpoq, taamaalillunilu suliaq naammassineqartinnagu anisitsisoqassanani.

Ineqarnermut akiitsut pillugit nalunaarusiamut ilaavoq, ajornartorsiut Maniitsuinnarmi ajornartorsiutaanngimmat, ajornartorsiulli aamma Sisimiuni nunalu tamakkerlugu takornartaanngimmat. Sisimiuni aamma ukiup naanerani innuttaasut 20-it katillugit 675.000 koruuninik akiitsoqarsimapput, suliaq politiiunut ingerlateqqitassanngorlugu ingerlatinneqarnikuullutik.

Nalinginnaasumik Kalaallit Nunarput tamakkerlugu ineqarnikkut politikki ajornartorsiutaasuuvoq, ajornartorsiullu nutaajunani.

Inissiarpassuit sanaartorneqartarput, tamakkuli illoqarfimmi pingaarnermiinnangajavik sanaartugaallutik, taamaakkaluarli ineqarniarneq annertusiartortumik ajornartorsiutaajuarpoq, pingaartumillu Nuup avataani illoqarfimmi nunaqarfimmi.



Inissiallu ilarpassui ima akisutigipput, innuttaasut akissaatikinnerusut najugaqarfigissallugit akissaqaratilluunniit, tamatumani assersuutigalugu pensionisiallit suliffissaaleqisullu eqqaaneqarsinnaallutik. Ilarpaalussui pitsaasumik ineqarnerminnut tapiiffigineqartarput, ajoraluartumilli ineqarnermut akiligassartik isumagisarnagu.

Aammali ineqarnermut akiliinngitsoortarnermi peqqutaasut allaasarput, assersuutit:

- Isertitat imigassamut ikiaroorniutinullu atorneqartarneri – aningaasanik atuinerlunneq
- Isertitanik pinnguaatinut atuineq
- Isertitat allanut ineqarnermuunngitsoq atussallugit aalajangiussisartut
- Aningaaserivimmik akilersuinissamik isumaqatigiissuteqannginneq
- Aningaasanik aqutsisinnaannginneq

Ajornartorsiutit tamakku ukiorpaaluit ingerlanerini pileriartorsimasinnaapput, taamaattumillu aningaasaqarnikkut aqutseriaatsip piffissaagallartillugulu ineqarnermut akiliisarnissap allangortinnissaa pingaaruteqarluni.

Aningaasaqarnikkut allaffissornikkullu kingunerisinnaasai  
Kingunerisassaqaanngilaq.

Qullersaqarfiup oqaaseqaataa  
Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, ineqarnermut akiitsunut akiliunneqarnissamik qinnuteqaatit tamarmik inatsit naapertorlugu suliarineqartarput. Piffissap ingerlanerani Ilaqutariinnermut Immikkoortortap, Politiit INI-llu akornanni suleqatigiinneq alaakkaasunnorsimavoq, tamatumalu malitsigisaanik innuttaasoq kinaluunniit inissaqarani anisineqarsinnaanngilaq, kisiannili allamik inissamik inueruttoqarsimatillugu neqeroorfigineqartarluni.

Ineqarnermulli akiitsut piffissami matumani taama annertutigilersimaneranut peqqutaavoq, politiit inuttaqarniarnerat piffissami sivitsortumik pitsaavallaarsimanngimmat. Pissutsilli tamakku qaammatini kingulliunerusuni ilorraap tungaanut saqissimapput, taamaattumilluuna suliaasarpaaluit massakkumut saqqummertut.

Allaffeqarfik isumaqarpoq, innuttaasut ineqarnerinut tunngasutigut sunnarniarneqartuarnissaat pingaaruteqarpoq, taamaalilluta initsinnut akiliisarnissarput tamatta ilikkartariaqaratsigu. Taamatutaaq Ilaqutariinnermut Immikkoortortamiit aningaaseriviillu tunngaanniit ineqarnermut tapiiffigineqarsinnaanermut tunngasutigut periarfissanik siunnersuinikkut paasissutissiissuteqartarnissaq pingaaruteqartuulluni.

**Innersuussut**

Nalunaarusiaq tusaatissatut tiguneqassasoq.

**Aalajangiineq**

Nalunaarusiaq annertuumik eqqartoreerlugu Aningaasaqarnermut ataatsimiititaliap kommunalbestyrelsimut innersuussutigissava, anisitaanissaminut allaffigineqarsimasut pillugit paasissutissanik kommuni tigusaqareeraangat, A/S INI-ip qanimut suleqatigineratigut anisitaasoqartinnagulu kommuni kommunimi tamarmi atuuttussamik iliussissamik pilersaarusiussasoq.



**Ilanngussat**

1. Pisortanit ikiorsiissutit pillugit Inatsisartut peqqussutaat nr. 15, 20. november 2006-meersup kapitali 6
2. Ineqarnermut akiitsut pillugit allakkiaq
3. INI-miit nalunaarusiaq





**Imm. 03 Meeqqat atuarfii pillugit 2011-mi isumasioqatigiinnissaq pillugu paasissutissiissut**

*Journalnr. 51.00*

Tunuliaqutaq:

2010-mi juunip 17-ani Qeqqata Kommunianni Kommunalbestyrelsip aalajangerpaa, Qeqqata Kommunianni meeqqat atuarfii pillugit isumasioqatigiittoqarnissaanik Ilinniartitaanermut Kulturimut Sunngiffimmullu ataatsimiititaliaq siunnersuusioqquneqassasoq.

Immikkoortortami pisortamik, ilinniartitaanermut Immikkoortortami pisortanik marlunnik pilersaarusiornermilu suleqataasumik ataatsimik inuttalerlugu, Immikkoortortami pisortaaneq suleqatigiissitamik meeqqat atuarfii pillugit isumasioqatigiisitsinissamut periarfissanik ujartuisussanik pilersitsivoq.

Ilinniartitaanermut Kulturimut Sunngiffimmullu ataatsimiititaliap 2010-mi decembarip 7-iani ataatsimiinnerani aalajangerneqarpoq, pikkorissarnissaq ingerlanneqassasoq, aningaasartuutissallu matussuserneqarnissaanik Aningaasaqarnermut ataatsimiititaliaq qinnuteqarfigineqassasoq.

Maleruagassatigut tunngavissat:

Meeqqat atuarfiinut tunngasut kommunip Namminersorlutik Oqartussanit 2002-mi tiguaa. Taamarniilli meeqqat atuarfiinik ingerlatsineq kommunip isumagivaa.

Pissutsit atuuttut

Meeqqat atuarfii pillugit 2011-mi isumasioqatigiinnissap imassaa pilersaarusiorneqarnissaalu pillugit suleqatigiissitaq Inerisaavimmik suleqateqarpoq. Pilersaarutip piaartumik tiguneqarnissaa naatsorsuutigineqarpoq. Pikkorissarnermi saqqummiisoqassaaq, peqataasut suleqatigiinnut avillugit oqallitsisoqassaaq, aqutsisulerlunilu ataatsimut oqallittoqassalluni. Suleqatigiit assigiinngitsunit inuttalerneqarnissaat pingaartinneqarpoq.

Suleqatigiinnermi Inerisaaviup kajumissaarutigaa, meeqqat atuarfiinut tunngatillugu iliuusissatut pilersaarutit ineriartortinneqarnissaat pillugu malinnaatitsilluni ulloq ataaseq atuarfimmi aqutsisut ataatsimiititsissasut.

Suleqatigiissitap Inerisaaviullu kissaatigaat, ilinniartitaaneq pillugu politikkiornissamut atuarfeqarfinnullu iliuusissatut pilersaarusiorneqarnissamut meeqqat atuarfii pillugit 2011-mi isumasioqatigiinnissaq tunngavissiissasoq.

Aningaasaqarnikkut allaffissornikkullu kingunerisinnaasai

Kommunalbestyrelsimut ilaasortat allaffeqarfimmilu sulisut angalanissaanni najugaqarnissaannilu aningaasartuutissat Qeqqata Kommuniata matussusissavai.

Peqataasussat sinnerisa angalanissaanni najugaqarnissaannilu aningaasartuutissat Inerisaaviup matussuserumallugit neriorsuuteqarpoq.

Maannakkut naatsorsuusiorterit malillugit aningaasartuutissat 75.000 koruunit missaanniissapput, ilanngussaq takuuk. Taamaalilluni missingersuutaqqaarsimasunut sanilliullugu 95.000 koruunit missaat sipaarutigineqassapput.

Kommunimi Immikkoortortat ukiuni tulluuttuni missingersuutitigut 5 procentimik sipaaruteqarnissaat assigalugu meeqqat atuarfii taamatulli sipaaruteqassapput.

### Allaffeqarfiup naliliinera

Allaffeqarfiup nalilerpaa, meeqqat atuarfiini atorfillit angalanissaanni najugaqarnissaannilu aningaasartuutit matussuserneqarnissaannik Inerisaaviup neriorsuuteqarnera akuerineqassasoq kiisalu meeqqat atuarfii pillugit 2011-mi isumasioqatigiinnermi angusat atuutsilerneqarnissaasa qulakkeerneqarnissaa pillugu atuarfimi aqutsisut malinnaatitsillutik ataatsimiinnissaat anguniagassatsialaasoq. Tamatuma saniatigut suleqatigiissitap innersuussutigaa, Qeqqata Kommuniata meeqqat atuarfiinut ilinniartitaanermullu tunngatillugu ullutsinnut naleqquttumik politikiliornissamut meeqqat atuarfiit pillugit 2011-mi isumasioqatigiinnissaq aallarnisaatigineqassasoq.

### Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap januarip 17-ani 2011-mi ataatsimiinnermini allaffeqarfiup innersuussutaa akuerivaa.

### Ataatsimiititaliami siulittaasup suliamik suliarinninera

Ataatsimiititaliami siulittaasup januari 26-ani 2011 aningaasartuutit imatut agguataarnissai akuersisutigivai:

Aningaasartuutit ukunani kontominngaannit 5101120504 aamma 5101130504, atuarfiit kontoiniik akilerneqassasut siunnersuutaapput 57.044 kr-it. Kiisalu kommunalbestyrelsemi ilaasortat angalanerannut najugaqarnerannullu aningaasartuutit konto 1001000501 atorfik naapertorlugu angalanermiik 14.560 kr-it akilerneqassasut.

### Borgmesterip suliamik suliaqarnera

Aningaasaqarnermut ataatsimiititaliaq kommunalbestyrelsilu sinnerlugit januarip 27-ani 2011-mi borgmesterip aalajangerpaa,

Isumasioqatigiinnissamut aningaasartuutit 57.044 koruunit konto 5101120504-miit aamma 5101130504-miit akilerneqassasut, kiisalu

angalanernut najugaqarnernullu aningaasartuutit 14.560 koruunit konto 1001000501-miit akilerneqassasut.

aggersaanissamut siunnersuut akuersissutigineqassasoq.

Aningaasaqarnermut ataatsimiititaliaq tullissaanik ataatsimiilerpat aalajangiinnermik ilisimatinneqassaaq.

### **Innersuussut**

Suliaq aningaasaqarnermut ataatsimiititaliamut paasissutissatut saqqummiunneqarpoq.

### **Aalajangiineq**

Paasissutissatut tiguneqarpoq.

### **Ilanngussaq**

1. Aningaasartuutit matussuserneqarnissaannik Inerisaaviup allakkatigut neriorsuuteqarnera
2. Missingersuutit
3. Aggersaanissamut siunnersuut

**Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera**

**Imm. 04 Aningaasaqarnermut ataatsimiititaliap 2010-p naaneranut aningaasaqarnermut nalunaarusiaa**

Journalnr. 06.00

Pissutsit atuuttut

2010-p naanerani inissitsiterinerummat, atuineq/iseritit 100 procentimiissapput.

**Allaffissornermut tunngasut**

Allaffissornermut tunngasut		Missinger	Tapiiss	Aningaa	Atuineq	Sinner	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
10	QINIKKANUT ANINGAASARTUUTIT	7.999	-210	7.789	6.666.234	1.123	85,6%
11	KOMMUNIP INGERLATSINERA	74.895	190	75.085	74.867.092	218	99,7%
12	KANTIINANIK INGERLATSINEQ	912	535	1.447	1.347.229	100	93,1%
18	AKIMORTUMIK SULIAT	7.821	-633	7.188	7.602.962	-415	105,8%
<b>Katillugit</b>		<b>91.627</b>	<b>-118</b>	<b>91.509</b>	<b>90.483.517</b>	<b>1.025</b>	<b>98,9%</b>

Allaffissornermut tunngasunut 91,6 mio. koruuninik aningaasaliissutinit katillugit 90,4 mio. koruunit atorpeqarsimapput. Atuineq procentinngorlugu 98,9 procentiuvoq. Qinikkanut aningaasartuutinit 7,7 mio. koruuninik aningaasaliissutinit 6,6 mio. koruunit atorpeqarput, imaappoq aningaasaliissutit 15 procentimik ataallugit atuiffiusimallutik. Tamanna pingaartumik Kommunalbestyrelsip annikinnerumik atuisimaneranik patsiseqarpoq, aammali nunaqarfinni aqutsisuni qinersinermilu annikinnerusumik atuisoqarsimaneranik patsiseqarluni. Sisimiuni INI A/S-ip kantiinamut akiuliutigisartagai naatsorsuutinit ikkussuunneqannginnerinnerat patsisaalluni kantiinami atuineq taama procenteqarpoq. Akiliutissat taakku 2011-mi februaarip naanerani naatsorsuutinit ikkunneqarnissaat naatsorsuutigineqarpoq.

2010-p naanerani missingersuutitigut nuutsinermi konto 12-imi 18-milu nuutsisoqarnerani kukkusooqarluni konto 12 annikinnerusumik atuiffinngortinneqarluni konto 18-ini sippuilluni atuiffiusunngortinneqarsimavoq.

**Inuutissarsiutit kommunip peqataaffii**

Inuutissarsiutit kommunip peqataaffii		Missinger	Tapiiss	Aningaa	Atuineq	Sinneru	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
37	INUUTISSARSIUTIT KOMMUNIP PEQATAAFFII	4.131	-90	4.041	3.373.669	667	83,5%
<b>Katillugit</b>		<b>4.131</b>	<b>-90</b>	<b>4.041</b>	<b>3.373.669</b>	<b>667</b>	<b>83,5%</b>

Inuutissarsiutinit kommunip peqataaffiinit 4,0 mio. koruuninik aningaasaliissutinit 3,3 mio. koruunit atorpeqarsimapput. Atuineq procentinngorlugu 83,5 procentiuvoq.

**Iseritit**

Iseritit Erniallu		Missinger	Tapiiss	Aningaa	Atuineq	Sinneru	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	i %
80	ANINGAASARSIANIT AKILERAARUTIT	-278.000	0	-278.000	-280.606.107	2.606	100,9%
81	SELSKABIT AKILERAARUTAAT	-4.000	0	-4.000	-6.627.695	2.628	165,7%
83	ATAATSIMOORTUMIK TAPIISSUTIT NALIMMASSAARUTILLU	-239.285	10.102	-229.180	-229.051.846	-128	99,9%
85	ERNIAT, PAPPALATIGUT ILUANAARUTIT AJUNAARUTILLU	-12.976	0	-12.976	-12.150.509	-825	93,6%
86	ISERTITAT ALLAT	-4.600	-800	-5.400	-8.527.706	3.128	157,9%
88	ISUMAKKEERINNINNERIT	1.100	0	1.100	52.870	1.047	4,8%
<b>Katillugit</b>		<b>-537.761</b>	<b>9.302</b>	<b>-528.456</b>	<b>-536.910.993</b>	<b>8.455</b>	<b>101,6%</b>



***Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera***

Qeqqata Kommuniani isertitassatut katillugit 528,4 mio. koruuninik aningaasaliissutinit 536,9 mio. koruunit isertinneqarsimapput. Isertinneqarsimasut procentinngorlugit 101,6 procentiupput. Aningaasarsianit akileraarutitigut isertitat 2,6 mio. koruuninik amerlanerupput, taakkunannga 2009-mut akileraarutitigut iluanaarutit katillugit 1,7 mio. koruuniullutik. Selskabit akileraarutaat aamma aningaasaliissutinit sanilliullugu 2,6 mio. koruuninik annerusumik isertitaqaataaffiusimapput. Isertitanut konto alla 3,1 mio. koruuninik annerusumik isertitsiviusimapput, taakkulu annerusumik Akiani sanaartorfigissaanermut isertitsiviusimallutik. Manna tikillugu sanaartorfigissaasimanermut akiligassat 3,2 mio. koruunit missaat suli akilerneqanngillat. Tamatuma saniatigut Sisimiut bussinik ingerlatsinerup namminersortunngorsarneqarnera kontomut sunniuteqarsimavoq. Isumakkerinnissutinit konto 1 mio. koruunit missaannik annikinnerusumik atuiffiusimavoq.

**Ukiup naanerani uninngasuutit**

<b>2010-p aallartinnerani uninngasuutit</b>	<b>77.201.967</b>
2010-mut missinger. naaper. Ingerl. angusat	-15.743.000
Killiffimmi nikingasoorutit	-4.788.000
Immikkut aningaasaliissutit	-38.716.000
<b>Karsimi nikingasoorutissat katillugit</b>	<b>-59.247.000</b>
<b>2010-p naanerani karsimi uninngasuutit</b>	<b>17.954.967</b>

Pigisat atoriaannaat ukiup naanerani 77,2 mio. koruuninit 17,9 mio. koruuninut appariarnissaat naatsorsuutigineqarpoq.

2010-p aallartinnerani pigisat atoriaannaat, 2010-mut missingersuutitigut ingerlatsinermi angusat, killiffimmi nikingasoorutissatut naatsorsuutigisat (40-60 aqutigalugu sanaartorneq) kiisalu manna tikillugu immikkut aningaasaliissutigineqarsimasut aallaavigalugit taama naatsorsuutigineqarpoq.

2010-mi novembarimi aningaasaqarnermut nalunaarusiamut sanilliullugu killiffimmi nikingasoorutitigut allannguutinit patsisaasoq tassaavoq, kommunalbestyrelsi 2010-mi arfinilissaanik ataatsimiinnermini aalajangermat, illuliornerut kommunip attartortittagai 10 mill. koruuninik appartinneqarlutik 14,8 mio. kooruninit 4,8 mio. koruuninut appartinneqassasut.

Kingullermik oqimaaqatigiissitsineq aallaavigalugu 2010-p naanerani killiffimmi nikingasoorut 84 mio. koruuniussaaq. Tamanna pingaartumik sanaartornermut missingersuutit 53,5 mio. koruuninik annikinnerusumik atuiffiunerinik, kommunimi isertitat 8,5 mio. koruuninik annerunerinik kiisalu ingerlatsinermut tunngasut 5,1 mill. koruunit missaannik annikinnerusumik atuiffiunerinik patsiseqarpoq.

Oqimaaqatigiissitsineq naapertorlugi akiliigasuaatissat 176.797.689 koruuniupput.

**Akiitsut**

2011-mi februaarip pingajuani katillugit akiitsorineqartut 56,0 mio. koruuniupput, tamannalu 2010-mi decembarip aallaqqaataani akiitsorineqartunut sanilliullugu 350 t.koruunit missaannik appasinnerulluni.



**Innersuussut**

Aningaasaqarnermut ataatsimiititalianut innersuussutigineqassaaq,

Aningaasaqarnermut nalunaarusiaq tusaatissatut tiguneqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Qeqqata Kommuniani ataatsimiititalianut oqimaaqatigiissitsineq.
2. Qeqqata Kommunianut tamanut oqimaaqatigiissitsineq (specf. 7)
3. Akiitsunut allattorsimaffik



**Imm. 05 Ingerlatsinikkut 5 procentinik sipaarniuteqarnissaq**

*Journalnr. 06.01.01*

Tunuliaqutaq

2011-mut missingersuusiak akuersissutiginerinut atatillugu kommunalbestyrelsip piumasarivaa, ataatsimiititaliat kingusinnerpaamik 2010-p naannaeranut immikkoortortat tamarmik 5 procentinik sipaarniutissatigut siunnersuusiussasut.

Maleruagassatigut tungavissaq

Aqutsinermi inatsisip § 43 imm. 2-a naapertorlugu kommunalbestyrelsi aningaasaliissutinik akuersisussaataavoq, taamaasiunnginnermili aqutsinermi inatsisip § 25, imm. 1-ani imm. 1 naapertorlugu aningaasaqarnermut ataatsimiititaliaq oqaaseqaateqaqqaartussalluni.

Pissutsit atuuttut

Ataatsimiititaliat 2010-mi decembarimiunerusoq namminnek susassaarfimminni 5 procentinik sipaarutaasinnaasut nassaariortorsimavaat. Tamatumani ataasiakkaat allannerussuteqarlutik.

Aningaasaqarnermut ataatsimiititaliap qinikkat, allaffissuarmi atorfillit soraarneri, siunissami immikkoortortani pisortatut atorfinnissat ineqartitaanissaat, kantiinap namminersortunngorsarnera, Qarasaasianut tunngasut, nunaqarfimmi ataatsimoorussamik aqutsisut nammineq atugassaat kiisalu EU-mi siunnersortinut tunngasut sipaarniuteqarfissatut sallitissimavai.

Teknikkimut ataatsimiititalip illuaqqat piniariartarfiit, Kangerlussuarmi aqqusinernik ingerlatsineq, sapaatip akunnera qorsuusoq kiisalu atorluaaniarneq allarpaalutsigullu nalinginnaasumik sipaaruteqarniarneq sallitissimavai.

Teknikkimut ataatsimiititalip aatsaat februaarip 1-ani 2011-mi inaarutaasumik 5 procentimik sipaaruteqarnissaq aalajangaaffigisimavaa, tassa Sisimiuni asfalteinissamat tunngasutigut sipaaruteqarnissamik allaffeqarfiup saqqummiussaa aallaqqaammut ataatsimiititaliap isumaqatigisimannnginmiuk.

Inuutissarsiutinut Suliffissaqartitsiniarnermullu ataatsimiititaliap kommunimi suliffissaqartitsiniutit Piareersarfimmilu ingerlatsinermut tunngasut sipaaruteqarfiginissaat sallitissimallugit.

Ilinniartitaanermut, Kulturimut Sunngiffimmilu ataatsimiititaliap Maniitsumut atatillugu meeqqat atuarfiini meeqquvinnilu atorfiit, ilaatigut meeqqanik nerisitsisarnerup namminersortunngorsarneratigut, sipaaruteqarfiginissaat sallitissimallugit.

Ilinniartitaanermut, Kulturimut Sunngiffimmilu ataatsimiititaliap Sisimiunut atatillugu sutigut tamatigut nalinginnaasumik sipaarniuteqarnissaq sallitissimallugu. Ataasiakkaanik atorfinnillu sallititsinnginnerup kinguneranik, pingaartumik atortussanik pisattanillu pisisarneq taamatullu illuutitik aserfallatsaaliinissat eqqugaanerusimapput.

Ilaqutariinnermut ataatsimiititaliap Teknikkimut Avatangiisinullu ataatsimiititaliatuulli marloriarluni aalajangiinerit ingerlassimavai, ajoraluartumillu 5 procentimik sipaaruteqarfiusinnaasunik nassaarsimanatik. Ilaqutariinnermut ataatsimiititaliap 2 procentimik sipaaruteqarsinnaaneq taamaallaat nassaarsimavaa, innarluutilinnut tunngasut ilaatinngit. Taamaalu allatigut sipaarutissaannaasunik tikkuanaani Ilaqutariinnermut ataatsimiititaliap allaffeqarfiup innersuussutaa marloriarluni akuersaarsinnaasimannngilaa.



Ilaqutariinnermut ataatsimiititaliap allaffeqarfiup Maniitsumi Kangaamiunilu utoqqaat illuini sipaaruteqarnissamik siunnersuutaa iluarsiiisutissatut ikkuniarsimangilaa, Sisimiunili Utoqqaat Angerlarsimaffiani taamatullu pisortat ikiorsiissutaasigut kiisalu siusinaartumik pensionetigut sipaarutissat ikkussimallugit.

Nunaqarfinni aqutsisut sipaarutissatut siunnersuutissaqarnermut tusarniaaffigineqarsimapput. Ataatsimiititaliat pingaarnertut akisussaaffik tigummisarimmassuk, sipaarutissatut siunnersuutaasinnaasut ilarpaalui iluarsiissutaareersimassapput imaluunniit ataatsimiititaliat salliutitaannut akerliusinnaallutik. Nunaqarfinnili aqutsisut ataatsimiititaliat iluminni sipaarutissatut siunnersuutaat pillugit tusarniaaffiusimangillat.

#### Aningaasaqarnermut allaffissornikkullu kingunerisinnaasai

Sipaarutissatut siunnersuutigineqartut aningaasaqarnermut allaffissornikkullu kingunerisassaata imaannaangillat. Atorfisigut sipaarutissat soraarnertigut ingerlanneqassapput, namminersortunngorsaanikkulli pisussat qulakkeerneqarsinnaangillat.

Allaffeqarfimmi, kantiinami utoqqaallu illuini atorfitsigut sipaarutissat, 2011-mi tamakkiisumik anguneqarsinnaangillat, aatsaallu 2012-mut missingersuutitigut iluarsiissutaasinnaallutik.

#### Qullersaqarfiup oqaaseqaataa

Immikkut oqaaseqaatitassaqaanngilaq.

#### Allaffeqarfiup naliliinera

Allaffeqarfik naliliivoq, sipaarutissatut siunnersuutaasut pingaarnertut iluaqutaasussaasut, tassa 5 procentimik sipaaruteqarnissap imaannaangitsup timitalerniarnerani. Taamaattorli 2012-mut missingersuusiornissami sipaarutissat ilaat eqqarsaatigalugit isummersoqqinnissaq pisariaqarsinnaalluni, tassa kiffartuussinermi sumiiffinnut assigiinngitsunut naapertuuttunngorsaanikkut.

Ilaqutariinnermut ataatsimiititaliap allaffeqarfiup Maniitsumi Kangaamiunilu utoqqaat illuini sipaarutissatut siunnersuutaanik iluarsiumangimmat, allaffeqarfiup siunnersuutaa toqqaannartumik aningaasaqarnermut ataatsimiititaliamut kommunalbestyrelsimullu saqqumiuttariaqaralarpoq. Tamannalu kingusinnerpaamik aningaasaqarnermut ataatsimiititaliap apriliimi 2011-mi ataatsimiinisaanut pisariaqassalluni, tassani 2012-mut missingersuutitigut killiliussassat aalajangiiffigineqassammata.

Tamatumunnga atatillugu eqqarsaatigissallugu pingaaruteqarpoq, ilaqtariinnermut ataatsimiititaliap sipaarutissatut siunnersuutai 2,4 mio. koruuniusut tamarmik Sisimiunut tunngasuunerat, 260.000 koruunit Maniitsumi ilaqtariinnut kiffartuusivimmut tunngasut eqqaasannikkaanni.

Aningaasaqarnermullu misissueqqissaarnerit kommunalbestyrelsimut saqqummiussat takutippaat, kommunip utoqqarnik isumagininnikkut inummut ataatsimut naatsorsuinikkut Sisimiuni aningaasartuutit marloriaataat Maniitsumi atorpeqartartut. Taamaammatt ilaqtariinnermut ataatsimiititaliap siunnersuutaani Maniitsumi utoqqarnut tunngasut ilaatinneqannginnerat Sisimiullu kissiinnangajammik eqqorneqarnerat tulluarpallaanngilaq.

### **Innersuussut**

Aningaasaqarnermut ataatsimiititaliamut kommunalbestyrelsimullu akuereqqullugu innersuussutigineqassapput, ataatsimiititaliat sipaarutissatut siunnersuutaat 19.588.000 koruuniusut 2011-mi missingersuutitigut kiisalu 2012-imut ukiunullu missiliuuteqarfiusunut (ilanngussaq 1) 21.986.000 koruuniusut iluar-siissutigineqassasut,

kingusinnerpaamik aprilimi aningaasaqarnermut ataatsimiititaliamut allaffeqarfik Maniitsumi Kangaamiunilu utoqqaat illuini tunngavilimmik sipaarutissanik saqqumiussaqa**ssas**oq

ataatsimiititaliat kiffartuussinikkut nalimmassaarineramik 2012-mut missingersuusiornissamut ukiunullu missiliuuteqarfiusussanut tulleriiaarinissaat piumasarineqassas**oq**.

### **Aalajangiineq**

Innersuussutigineqartut akuersissutigineqarput.

Ikinnerussuteqarluni oqaaseqaat:

Inuutissarsiutinut Suliffissaqartitsiniarnermullu ataatsimiititaliap nunaqarfinni suliffissaqartitsiniutit sipaaruteqarfiginissaannut aalajangiinera isumaqatiginngikkini, Søren Alaufesenip allanneqarnissaa kissaatigaa.

### **Ilanngussat**

1. Sipaarutissanut ataatsimut katillugit takussutissiaq
2. Aningaasaqarnermut ataatsimiititaliap 5 procentinik sipaaruteqarfissai
3. Teknikkinut Avatangiisinullu ataatsimiititaliap Maniitsumi 5 procentinik sipaarutiginiagai
4. Teknikkinut Avatangiisinullu ataatsimiititaliap Sisimiuni 5 procentinik sipaarutiginiagai
5. Inuutissariutinut Suliffissaqartitsiniarnermullu ataatsimiititaliap 5 procentinik sipaarutiginiagai
6. Ilaqutariinnermut ataatsimiititaliap sipaarutiginiagai
7. Ilinniartitaanermut Kulturimut Sunngiffimmullu ataatsimiititaliap Maniitsumi 5 procentinik sipaarutiginiagai
8. Ilinniartitaanermut Kulturimut Sunngiffimmullu ataatsimiititaliap Sisimiuni, Kangerlussuarmi, Itillimi Sarfannguanilu 5 procentinik sipaarutiginiagai



***Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera***

**Imm. 06 2012-imi aningaasanut inatsisissamut sanaartugassatut kissaatigisat qinnutiginis-  
saaat**

*Journalnr. 06.01.03*

Tunuliaqutaq

Namminersorlutik Oqartussat januaarip 10-ani 2011-mi allakkatigut Qeqqata Kommuniata 2012-imi Aningaasaqarnermut inatsisikkut kissaatai ugartorpai. Qeqqata Kommunian kingsinnerpaamik marsip 1-ani 2011-mi ataatsimoortumik tullerriaakkamillu Qeqqata Kommuniani sanaartugassatigut kissaatigisaminik Namminersorlutik Oqartussanut nassiussissaaq.

Maleruagassatigut tunngavissaq

Aningaasanut inatsit Namminersorlutik Oqartussat kisimik susasaqarfigivaat, taamaattorli kommunit tamatumani sanaartortinniakkatigut kissaatigisatik tullerriaakkat tusartissallugit periarfissaqartitaap-put.

Pissutsit atuuttut

Namminersorlutik Oqartussat kingumut ukioq manna maluginiaqqaat, ”Inatsisartut 2011-mut Aningaasanut inatsisip akuersissutigineratigut, 2004-mi Aningaasanut inatsisip suliarineratigut siunniunneqartoq suli siunniusimagaat, tamannalu ima paasineqassalluni, salliutitat tullerriaarinermi imaassasut atuarfiliortiterneq, illuliortiterneq pilersuinerlu. Tamatuma kingunerissavaa kissaatit allat taamaallaat killilimmik aningaasaliiffineqarnissaat.”

Missingersuutissatut akuerisat, politikkikkut kissaatigisat saqqummiunneqartut ukiumilu kingullermi siusinnerusukkut Qeqqata Kommuniata sanaartugassatigut kissaatigisaminik tullerriaarineri tunuliaqutaralugit matuma kingulianiittut Qeqqata Kommuniani missingersuusiorfiusumi 2012-imi ukiunullu missiliuuteqarfiusunut tullerriaakkatut siunnersuutit pisortaqtigiit suliarivaat.

Tus. Kr.	Illoqarnikkut/ inissaqar- nikkut ineriartortitsinissa- mi pilersaarutit	2011 Katinneri		2012		2013		2014		2015	
		Komm	GS	Komm	GS	Komm	GS	Komm	GS	Komm	GS
1	Sisimiuni utoqqarnut pisinnaanerusunut inissiat 6 + 12			8.186	4.292	8.186	4.292	8.186	4.292	8.186	4.292
2	Sisimiuni Maniitsumilu innarluutilinnut inissiat 16-it			10.000	9.000	10.000	9.000				
3	Kangaamiuni Kangerlussuarmilu ilaqtariinnut illut marluk			1.200	1.000	2.575	2.075				
4	Sisimiuni, Maniitsumi Kangaamiunilu illunik nutarterineq taartissatullu illussat				30.000		30.000		30.000		30.000
5	Sisimiuni illut tamanut iluagutaasussat			xx	xx	xx	xx	xx	xx	xx	xx
6	20-20-60 sanaartukkat aamma piginneqatigiilluni inissiat			15.000	15.000	15.000	15.000	15.000	15.000	15.000	15.000
7	Kangaamiuni Atammimmilu kommunip illuliassai marluk			1.000	500	1.000	500				



**Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera**

Tus. Kr.	Teknikkikkut ineriartortitsinissami pilersaarutit	2011 Katinneri		2012		2013		2014		2015	
		Komm	GS	Komm	GS	Komm	GS	Komm	GS	Komm	GS
Tuller	Pilersaarutip suussusaa										
1	Sisimiuni umiarsualiviup allilernerqarnissaa			30.000	30.000						
2	Kangerlussuup Sisimiullu akornanni agqusineq			30.000		20.000	30.000	20.000	30.000	20.000	30.000
3	Maniitsumi illoqarfittaassamut sullorsualiassaq				40.000		40.000				
4	Sisimiuni kiassarnermut aqqutit			2.500	2.500	3.000	3.000				
5	Kangerlussuarmi ikullaavik, naapertuuttunngorsaaneq						25.000				
6	Sisimiuni ikullaaviup tiguisinnaanerata annertusineqarnissaa							10.000	10.000	25.000	25.000
7	Maniitsumi talittarfiit nutarterneqarnissaat				??		??				

Tus. Kr.	Ilaqatariinnuut tunngasutigtut ineriartortitsinissami pilersaarutit	2011 Katinneri		2012		2013		2014		2015	
		Komm	GS	Komm	GS	Komm	GS	Komm	GS	Komm	GS
Tuller	Pilersaarutip suussusaa										
1	Sisimiuni innarluutilinnut najugagaqatigiiffik nutaaq			5.000	5.000	5.000	5.000				
2	Maniitsumi innarluutilinnut inuusunnerusunut ulloq unnuarlu angerlarsimaffik			1.500	1.500	3.000	3.000				
3	Sisimiuni Utoqqaat Angerlarsimaffiani puigortunngorsimasunut immikkoortortaliineq			1.000	1.000	4.000	4.000	3.000	3.000		
4	Maniitsumi Sisimiunilu innarluutilinnut atuarfiit				??		??		??		??
5	Sisimiuni meeqqerivik			3.750	3.750	3.750	3.750				
6	Maniitsumi meeqqerivik			3.750	3.750	3.750	3.750				

Tus. Kr.	Ilinniartitaanikkut, kultu- rikkut sunngiffimmilu sussaqaartitaanikkut pilersaarutit	2011 Katinneri		2012		2013		2014		2015	
		Komm	GS	Komm	GS	Komm	GS	Komm	GS	Komm	GS
Tuller	Pilersaarutip suussusaa										
1	Maniitumi nunaqarfinnilu atuarfinnik nutarterineq				??		??		??		??
2	Kangerlussuarmi 8.- 10, klassinut efterskolimik pilersitsineq				??						
3	Nunaqarfinni timersortarfiit tamatigoortut			3.000	3.000	3.000	3.000	3.000	3.000	3.000	3.000
4	Maniitsumi inuusuttut ornittagaat			3.400	3.400						
5	Sisimiuni atuakkanik atorniartarfik nutaaq			3.400	3.400						



**Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera**

Tus. Kr.	Sanaartorfigissaanissamut pilersaarut innaallagialaq, imeq, kiassarneq	2011 Katinneri		2012		2013		2014		2015	
		Komm	GS	Komm	GS	Komm	GS	Komm	GS	Komm	GS
1	Aqquserngup qullisa 900m-isut takitigisup iluarsartuunneqarnerat. Mayers Ave. Anstalt aamma illut 40-t, Kangerlussuaq				600		600				
2	Sisimiuni B8-mi inuutissarsiorfissami innaallagissamut aqqusiinissamut nunagissaaneq				1.600		2.200				
3	Maniitsumi A17-mi inissianut 24-nut erngup aqqutaa 200m				1.000						
4	Akia III-mi pingaarnertut sanaartorfigissaaneq						400		1.500		2.600
5	Maniitsumi E1-imi najugaqarfissianut erngup aqqutaa 210m.								1.100		

Najugaqarfissiat eqqarsaatigalugit najugaqarfinit tamanut iluaqutissanit utoqqarnut innarluutilinnullu inissiassat salluutinneqarput. Najugaqarfiit tamanut iluaqutissammi nutarterneqartussaapput, Namminersorlutik Oqartussallu taartissatut najugaqarfiliassai, najugaqarfissanit kommunimit taperneqartussanit salluutinneqarlutik.

Teknikkimut avatangiisinullu naapertorlugu Sisimiuni kiassarnermut aqqutit pingaarnert marluk akornanni atassusiinissat ilanngunneqarput. Ukiup siulianut sanilliullugu Maniitsumi illoqarfittaassamut aqqusinissaq salluunneqarunnaarpoq, alumiiniumimmi aatsiterivissaq pillugu aalajangiisoqartinagu Namminersorlutik Oqartussat illoqarfittaassamut aningaasaleerusunnginnamik.

Ilaqutariinnut pilersaarut eqqarsaatigalugu Namminersorlutik Oqartussat tulleriarineranut naapertuutsiumalluni meeqqerivinnut sanilliullugu utoqqarnut innarluutilinnullu tunngasut salluunneqarput.

Ilinniartitaaneq, kulturi sunngiffillu eqqarsaatigalugu Namminersorlutik Oqartussat tulleriarinerinut naapertuutsikkumallugu kulturimit sunngiffimmiillu ilinniartitaaneq sulii salluunneqarpoq.

Sanaartorfigissaaneq eqqarsaatigalugu Qeqqata Kommuniani atugassatut ukiumut 2,6 mio. koruunik Nukissiorfiit aningaasaliiffineqartarneranut naapertuuttunngortillugu Kangerlussuarmi nunaqarfimmi aqutsisut kissaataat pingaartinneqarpoq, tulliattullu illoqarfinni agguataarinissaq pingaartinneqarluni.

Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu kingunerisinnaasat eqqarsaatigalugit, sanaartugassatigut sutigut Namminersorlutik Oqartussat aningaasaleeqataanissaat apeqputaajumaarpoq.

Allaffeqarfiup naliliinera

Namminersorlutik Oqartussat sanaartugassatigut namminneq qanoq aningaasaliissuteqarnissaminnik aningaasaleeqataassuteqarnissaminnilluunniit pilersaaruteqarnerat aningaasatigut annertuumik kinguneqartussaammat, allaffeqarfik naliliivoq, tulleriarinikkut nalunaarusiami salluutitassatut pilersaarutit sukumiisumik paasissutissartalerlugit allaaseralugillu suliarineqartariaqartut.



Tamatuma saniatigut kommunip Naminersorlutik Oqartussanut tulleriarinerani Namminersorlutik Oqartussat tulleriarinerat sapinngisamik isiginiartariaqarpoq. Namminersorlutik Oqartussat illulior-titerneq illunik kiffartuussivinniit sallitippassuk, kommunip kissaatigisai tamatumunnga naapertuut-tariaqarput.

### **Innersuussut**

Pisortaqtigiit innersuussutigissavaat, aningaasaqarnermut ataatsimiititaliap sanaartugassatut kissaa-tinik tulleriarinerit kommunalbestyrelsimut akuereqqullugit innersuussutigissagai.

### **Aalajangiineq**

Iluarsiissutit ilanngullugit innersuussutigineqartoq akuersissutigineqarpoq.

### **Ilanngussat**

1. Namminersornerullutik Oqartussanit allagaq januaarip 10-ani 2011-meersoq
2. 2011-mi Aningaasanut inatsimmut sanaartugassatut kissaatitut Qeqqata Kommuniata siunner-suutai

**Imm. 07 Maniitsumi Piareersarfimmi konto-nik pilersitsinissamik aammalu 2011-mut  
aningaasaliissutit iluinit nuussinissamik qinnuteqaat**

*Journalnr. 06.02.04*

Tunuliaqutigineqartoq

Piginnaangorsaaqqiinerimi, pikkorissartitsinerni il. il. aningaasatigut atuinermik pilersaaruseriorluar-sinnaajumalluni, nalunaarsuinerit aammalu kontoni taakkunani naatsorsuutininik nakkutilliinerit pitsaaneruserumik aqussinajumallugit Maniitsumi Piareersarfimmi piginnaangorsaaqqiinerup iluani kontonik Sisimiuni kontot atorneqareersunut (konto 35 iluani) sanilliussinnaasunik pilersitsinissaq aningaasartassaanillu nuussinissaq pisariaqarpoq.

Maleruagassatigut tunngavissat

Karseqarnermut naatsorsuuserinermullu malittarisassat (Sisimiut Kommunitoqaaneersut – Qeqqata Kommuniani atuuttussat suli naammassinngikkallarnerini taakku utaqqiissaa atummata) kiisalu naatsorsuuserinermi ilitsersuutit.

Pissutsit atuuttut

Maannamut Maniitsumi Piareersarfimmi Suliffissarsiuussisarfiup susassaqarfiani piginnaangorsaaqqiisarnerup iluani suliffinnik misiliinermut aammalu suliffeqarfinni piginnaangorsaaqqiisarnermut tunngasunik kontoqarpoq.

Taamaamat pikkorissarnernut il. il. aningaasartuutit aamma piginnaangorsaaqqiinerimut attuumasuteqaraluartut suliffissaqartitsiutit konto 34-p iluanit aningaasalersorneqartarput.

Piginnaangorsaaqqiinerimi, pikkorissartitsinerni il. il. aningaasatigut atuinermik pilersaaruseriorluar-sinnaajumalluni, nalunaarsuinerit aammalu konto-ni taakkunani naatsorsuutininik nakkutilliinerit pitsaaneruserumik aqussinajumallugit Maniitsumi Piareersarfimmi piginnaangorsaaqqiinerup iluani konto-nik Sisimiuni konto-t atorneqareersunut (konto 35 iluani) sanilliussinnaasunik pilersitsinissamik pioreersut saniatigut pisariaqartitat ukuupput:

35	PIGINNAANGORSAAQQIINEQ		
35-01	SULIANIK MISILIINEQ		
35-01-20	MANIITSOQ		
35-01-20-01-11	Akunermusiat		
35-01-20-05-06	Napparsimansuutit SIK		
35-01-20-05-08	Sullisit		
35-01-20-82-01	Namminersornerusunik tapiutit , ukiumi atuuttumi		
35-03	SULIFFEQARFIIT SUNGIUSAAQQIFFIIT		
35-03-20	MANIITSOQ		
35-03-20-01-11	Akunermusiat		
35-04	ILINNIARNERIT		
35-04-20	ILINNIAQQINNERIT MANIITSOQ		
35-04-20-12-99	Sulisunut aningaasartuutit tamalaat		
35-04-20-35-01	Niuerneq, allaffeqarneq, inunnik isumaginninneq		



***Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera***

35-04-20-35-02	Sanaartugassanut tunngasut		
35-04-20-35-03	Savimminilerineranut tunngasut		
35-04-20-35-04	Aalisarnermut tunisassiornermullu tunngasut		
35-04-20-35-05	Inuussutissalerineranut tunngasut		
35-04-20-35-06	Inuiaqatigiinnut sammisumik pikkorissarneq		
35-04-21	<b>SANAARTORNERMIK ILINNIARFIK</b>		
35-04-21-01-11	Akunermusiat		
35-04-21-82-01	Namminersornerusunik tapiutit , ukiumi atuuttumi		
35-04-22	<b>INUILI</b>		
35-04-22-01-11	Akunermusiat		
35-04-22-82-01	Namminersornerusunik tapiutit , ukiumi atuuttumi		
35-04-23	<b>NIUERNERMIK ILINNIARFIK</b>		
35-04-23-01-11	Akunermusiat		
35-04-23-82-01	Namminersornerusunik tapiutit , ukiumi atuuttumi		
35-04-24	<b>SAVIMMINILERINERMIK ILINNIARFIK</b>		
35-04-24-01-11	Akunermusiat		
35-04-24-82-01	Namminersornerusunik tapiutit , ukiumi atuuttumi		
35-04-25	<b>IMARSIORNERMIK ILINNIARFIK</b>		
35-04-25-01-11	Akunermusiat		
35-04-25-82-01	Namminersornerusunik tapiutit , ukiumi atuuttumi		
35-04-26	<b>AMU-CENTER</b>		
35-04-26-01-11	Akunermusiat		
35-04-26-82-01	Namminersornerusunik tapiutit , ukiumi atuuttumi		
35-04-27	<b>OQAATSINIK PIKKORISSARFIK</b>		
35-04-27-01-11	Akunermusiat		
35-04-27-82-01	Namminersornerusunik tapiutit , ukiumi atuuttumi		
35-05	<b>FLEXJOB</b>		
35-05-20	<b>MANIITSOQ</b>		
35-05-20-01-11	Akunermusiat		
35-05-20-35-00	Akissarsianut tapit		
35-05-20-82-01	Namminersornerusunik tapiutit , ukiumi atuuttumi		



***Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarnilornera***

Kontot qulaani pilersinneqartussat aningaasartassaata aammalu pioreersuni aningaasaliinerunissamik pisariaqartitsineq Maniitsumi suffissaqartitsiniarnermut kontomit (konto 34-40-20) aningaasalersorneqassapput, pisariaqartitsineq aningaasaliissutaareersut iluinit matussuserneqaaqqullugu.

Pisariaqartitsineq uani skemami takuneqarsinnaavoq:

<b>Konto Ikisiffissaq</b>	<b>Oqaasertaq</b>	<b>2011-mut aningaa- saliissutit (1000 kr.)</b>	<b>2011- mut pisaria- qartinne- rusat (1000 kr.)</b>	<b>Nuussiso - qareerani 2011-mut Aningaa- saliissutit (1000 kr.)</b>
35-01-20-01-11	Akunermusiat	0	0	0
35-01-20-05-06	Napparsimangersiutit SIK	0	0	0
35-01-20-05-08	Sullisit	0	0	0
35-01-20-82-01	Namminersornerusunik tapiutit , ukiumi atuuttumi	0	0	0
35-03-20-01-11	Akunermusiat			
35-03-20-31-41	Suliffeqarfiup piginnaanngorsagaasunut akissarsiarititai	78	222	300
35-0-03-82-01	Namminersornerusunik tapiutit , ukiumi atuuttumi	-39	-111	-150
35-03-20	Maniitsoq	39	111	150
35-04	<b>ILINNIARNERIT</b>			
35-04-20	<b>ILINNIAQQINNERIT MANIITSOQ</b>			
35-04-20-12-99	Sulisunut aningaasartuutit tamalaat	0	0	0
35-04-20-35-01	Niuerneq, allaffeqarneq, inunnik isumaginninneq	0	16	16
35-04-20-35-02	Sanaartugassanut tunngasut	0	10	10
35-04-20-35-03	Savimminilerinerneq tunngasut	0	10	10
35-04-20-35-04	Inuili	0	20	20
35-04-20-35-06	Inuiaqatigiinnut sammisumik pikkorissarneq	0	0	0
35-04	Ilinniarnarit, ilinniaqqinnerit	0	56	56
35-04-21	<b>SANAARTORNERMIK ILINNIARFIK</b>			
35-04-21-01-11	Akunermusiat	0	300	300
35-04-21-82-01	Namminersornerusunik tapiutit , ukiumi atuuttumi	0	-300	-300
		0	50	50
35-04-22	<b>INUILI (kursusgodtgørelse)</b>			
35-04-22-01-11	Akunermusiat	0	30	30
35-04-22-82-01	Namminersornerusunik tapiutit , ukiumi atuuttumi	0	-30	-30
		0	15	15
35-04-23	<b>NIUERNERMIK ILINNIARFIK</b>			
35-04-23-01-11	Akunermusiat	0	50	50



**Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarnilornera**

<b>Konto Ikisiffissaq</b>	<b>Oqaasertaq</b>	<b>2011-mut aningaa- saliissutit (1000 kr.)</b>	<b>2011- mut pisaria- qartinne- rusat (1000 kr.)</b>	<b>Nuussiso - qareerani 2011-mut Aningaa- saliissutit (1000 kr.)</b>
35-04-23-82-01	Namminersornerusunik tapiutit , ukiumi atuuttumi	0	-50	-50
		0	25	25
35-04-24	<b>SAVIMMINILERINERMIK ILINNIARFIK</b>			
35-04-24-01-11	Akunnermusiat	0	20	20
35-04-24-82-01	Namminersornerusunik tapiutit , ukiumi atuuttumi	0	-20	-20
		0	10	10
35-04-25	<b>IMARSIORNERMIK ILINNIARFIK</b>			
35-04-25-01-11	Akunnermusiat	0	0	0
35-04-25-82-01	Namminersornerusunik tapiutit , ukiumi atuuttumi	0	0	0
		0		
35-04-26	<b>AMU-CENTER</b>			
35-04-26-01-11	Akunnermusiat	0	0	0
35-04-26-82-01	Namminersornerusunik tapiutit , ukiumi atuuttumi	0	0	0
		0		
35-04-27	<b>OQAATSINIK PIKKORISSARFIK</b>			
35-04-27-01-11	Akunnermusiat	0	30	30
35-04-27-82-01	Namminersornerusunik tapiutit , ukiumi atuuttumi	0	-30	-30
		0	15	15
35-05	<b>FLEXJOB</b>			
35-05-20	<b>MANIITSOQ</b>			
35-05-20-01-11	Akunnermusiat	0	0	0
35-05-20-35-00	Akissarsianut tapit	0	80	80
35-05-20-82-01	Namminersornerusunik tapiutit , ukiumi atuuttumi	0	-40	-40
		0	40	40

Konto 35-p, piginnaanngorsaaqqiineq, ataani konto-t pioresut pilersinniakkallu 2011-mut aningaasartaqarput kr. 39.000, konto 34, suliffissaqartitsiniutit, aningaasartaqarluni kr. 724.000. Tassa konto 35 aamma 34 katillutik aningaasartaqarput kr. 763.000-nik.

Konto 35-p ataani pioresuni pilersinniakkanilu 2011-mi pisariaqartinnerusat annertussuseqarput kr. 322.000-nik. Taakku konto 34-40-20-mit nuussinikkut annertussuseqartunik kr. 322.000-nik matususerneqassapput.





**Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera**

Taamaalilluni nuussisoqareerneratigut konto 35-mut 2011-mut aningaasaliissutit annertussuseqalisapput kr. 361.000-nik konto 34-40-20-lu kr. 402.000-nik.

Konto 35 aamma 34-40-20 nuussisoqareerneratigut 2011-mut aningaasaliissutitaat nikissanngillat annertussuseqarlutik kr. 763.000-nik, konto-t iluini nuusserinnaammat.

Qulaani nassuiaatigineqartut uani skema-mi takuneqarsinnaapput:

Konto	Oqaasertaq	2011- mut aningaa - saliissu- tit	2011- mut pisaria- qartinne- rusat	Nuussiso - qareerani 2011-mut Aningaa- saliissutit
35	Katillugit	39	322	361
34-40-20	Suliffissaqartitsiniutit	724	-322	402
	Katillugit	763	0	763

Qullersaqarfiup oqaaseqaatai

Qullersaqarfik oqaaseqaatissaqanngilaq.

Aningaasaqarnikkut allaffissornikkullu kingunerisinnaasai

Piareersarfimmut aningaasaliissutit iluini konto-nik iluarsartuussinerit, aningaasaqarnikkut allaffissor-nikkullu kingunerluuteqarnissaat naatsorsuutigineqanngilaq.

Iluarsiinerit ukiuni tulluuttuni 2012-2013 aningaasaliissutinut iluarsiiissutit ilanngunneqarnissaat qinnutigineqarput.

Allaffeqarfiup naliliinera

Inuussutissarsiutinut Suliffissaqartitsiniarnermullu ataatsimiititaliami suliap suliarinera

Inuussutissarsiutinut Suliffissaqartitsiniarnermullu ataatsimiititaliap januaarip 19-ani 2011-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliamut akuereqqullugu innersuussutigineqarpoq

- Maniitsumi Piareersarfimmi konto 35-p iluani kontonik pilersitsisoqarnissaanik kissaatigisat
- Kiisalu konto 34-minngaaniit konto 35-mut nuussinissamik siunnersuutigineqartoq 2011-mi atulersinneqassasoq

**Aalajangiineq**

Innersuussutigineqartut akuersissutigineqarput.

**Ilanngussa**

Ilanngussaqaanngilaq.



**Imm. 08 Nutaamik Utoqqaat Angerlarsimaffiliornermi sanaartornermi naatsorsuutit,  
Maniitsoq**

*Journalnr. 06.03.03*

Tunuliaqutaq

Maniitsumi nutaamik utoqqaat angerlarsimaffiliornermi sanaartornermi naatsorsuusiortoqarnikuuvoq.

Maleruagassatigut tunngavissat

Ukioq missingersuusiorfiusoq sinnerlugu sanaartortoqarsimatillugu sanaartornermi naatsorsuusiortoqartassaaq. Sanaartornermi naatsorsuutit Teknikkimut Avatangiisinullu Ataatsimiititaliamit, Aningaasaqarnermut Ataatsimiititaliamit Kommunalbestyrelsimillu akuersissutigineqassapput.

Pissutsit atuuttut

Utoqqaat angerlarsimaffiat 2003 – 04-mi pilersaarusiorneqalerpoq. Sanaartorneq 2005-imi aallartineqarpoq, utoqqaat angerlarsimaffiallu 2008-mi aggustimi atulersinneqarluni. Silataani sanaartugasartai 2009-mi 2010-milu ingerlanneqarput.

Aningaasaqarnikkut allaffissornikkullu kingunerisinnaasai

Utoqqaat angerlarsimaffiliornermi Maniitsup Kommuniani katillugit 55.285.000,- koruunit immikkoortinneqarnikuupput. Sanaartornermi naatsorsuutini takuneqarsinnaalluni 55.314.300,51 koruuninik atuiffiusimasoq. Atuneq 29.300,51 koruuninik annertunerulluni. Aningaasaqarnermi inatsimmi 26.820.000 koruunit sanaartornissamut tapiissutissatut immikkoortitaapput. Tapiissutit tamakkerlugit tiguneqareerput.

Qullersaqarfiup oqaaseqaatai

Oqaaseqaatitassaqaanngilaq

Allaffeqarfiup naliliinera

Sanaartornermi naatsorsuutit eqqortumik takussutissiisutut nalilerneqarput.

Teknikkimut Avatangiisinullu ataatsimiititaliami suliaq suliarinera

Teknikkimut Avatangiisinullu ataatsimiititaliap februaarip 1-ani 2011-mi ataatsimiinnermini suliaq suliarivaa.

**Innersuussut**

Aningaasaqarnermut Ataatsimiititaliamut Kommunalbestyrelsimillu innersuussutigineqassaaq,

nutaamik utoqqaat angerlarsimaffiliornermi sanaartornermi naatsorsuutit akuersissutigineqassasut

**Aalajangiineq**

Innersuussutigineqartoq akuersissutigineqarpoq.

**Ilanngussa**

1. Sanaartornermi naatsorsuutit

**Imm. 09 Kangaamiuni Pilersuisup illuutitoqaasa katersugaasivinnngortinneqarnissaat siunertaralugu pisiarinissaannut qinnuteqaat kiisalu 2011-mut ukiunullu 2012-imit 2014 tikillugu missiliuuteqarfiusunut ingerlatsinermi aningaasaliissuteqartoqarnissaanik qinnuteqaat**

*Journalnr. 58.01*

Tunuliaqutaq

Kangaamiuni niuertorutsip illuutikui B-87 aamma B-88, kiassaateqarfik ilanngullugu Pilersuisup tuniniarpai. 1996 naajartuinnartoq Kangaamiuni nunaqarfimmi aqutsisut illuutit Kangaamiuni illuutit pisoqaanersaammata eriagisassatut pigerusullugit soqutiginnissimapput. Tassunga atatillugu nunaqarfimmi aqutsisut eqqartorpaat, illut taakku nunaqarfimmi katersugaasivittut atorneqassasut.

Maleruagassatigut tunngavissat

Katersugaasiveqarneq pillugu Inatsisartut peqqussutaat nr. 6, ulloq 30. Oktober 1998-meersaq.

Pissutsit atuuttut

Aningaasaqarnermut ataatsimiititaliap 2009-mi marsip 10-ani ataatsimiinnermini aalajangerpaa, Kangaamiuni B-87 aamma B-88 katersugaasivittut atorneqarnissaat pillugu akiliutitaqanngitsumik tunniunneqarsinnaanersut paasiniaarlugu Pilersuisumut saaffiginnissuteqartoqassasooq.

KNI Pilersuisooq A/S-ip 2009-2010-mi nalunaarutigaaq, B-87 aamma B-88 katillugit 75.000 koruunilerlugit pisiarinqarsinnaasut.

Kangaamiuni nunaqarfimmi aqutsisut 2011-mi januaarip tallimaani immikkut ataatsimiinnermini akuersissutigaaq, B-87 aamma B-88 75.000 koruunilerlugit pisiarinqassasut, Maniitsumilu Teknikkimut Avatangiisinullu Immikkoortortap teknikkikkut naliliinera naapertorlugu illut 100.000 koruunit tikillugit iluarsartuunneqarsinnaanissaat aamma akuersissutigalugu. Pisiarinissaannut iluarsartuunneqarnissaannullu aningaasartuutissat Maniitsumi Kommunalbestyrelsiusimasup 1997-imi kontumit pilersissisimasaanit matussuserneqassapput. Ullumikkut konto taanna 90-02-20-90-04 Kangaamiuni Katersugaasivissaq 194.006,71 koruunilik uninngasuuteqarpoq.

Kangaamiuni katersugaasivissap ingerlanneqarnissaanut Maniitsumi Katersugaasiviup pisortaa Tea D. Christensen, 2011-mi ukiunullu 2012-imit 2014 tikillugu missiliuuteqarfiusunut ingerlatsinissami missingersuutissanik siunnersuusiornikuuvoq. 2011-mi ingerlatsinissamut katillugit 74.000 koruunit missingersuusiarineqarput, tassungalu atatillugu sapaatip akunneranut akunnerni tallimani sulisartussamik atorfinitsitsinissaq ilanngullugu missingersuusiarineqarluni. Ukiunut missiliuuteqarfiusunut ingerlatsinissami aningaasartuutissat katillugit 110.000 koruuninut missingersuusiarineqarput, tassungalu atatillugu sapaatip akunneranut akunnerni qulini sulisussap suliffissai qaffanneqarlutik.

Kangaamiuni nunaqarfimmi aqutsisut 2011-mi januaarip tallimaani ataatsimiinnermini aalajangerpaat, katersugaasivissap ingerlanneqarnissaanut aningaasaliissutissanik Kommunalbestyrelsimut qinnuteqassallutik, tassungalu atatillugu Maniitsumi katersugaasivimmi pisortamit ikiorserneqarnissartik kissaatigalugu.

Kangaamiuni katersugaasivittaarnikkut 2011-mi sapaatip akunneranut akunnerni tallimani, ukiunilu 2012-imit 2014 tikillugu sapaatip akunneranut akunnerni qulini sulisartussamik atorfinitsitsisoqassaaq.

Aningaasaqarnikkut allaffissornikkullu kingunerisinnaasai



Ingerlatsinissami missingersuutissatut siunnersuutigineqartoq 2011-mi kommunimut 74.000 koruunik naleqassaaq, ukiunullu 2012-imit 2014 tikillugu missiliuuteqarfiusunut ukiumut 110.000 koruunik naleqassalluni.

#### Qullersaqarfiup oqaaseqaatai

Oqaaseqaatissartaqanngilaq.

#### Allaffeqarfiup naliliinera

Kangaamiormiunut, aammali tikeraat katersugaasivikkut nunaqarfiup kulturianik misigisaqarsinnaanissaat anguniarlugu Kangaamiuni katersugaasiviliortoqarnissaa Kangaamiuni nunaqarfimmi aqutsisut 1997-imili ilungersuutigalugu sulissutigaat.

#### Nunaqarfimmi aqutsisuni suliap sularinera

Kangaamiuni nunaqarfimmi aqutsisut februaarip 8-ani 2011-mi ataatsimiinnerminni suliaq sularivaat.

#### Ilinniartiaanermut Kulturimut Sunngiffimmullu ataatsimiititaliami siulittaasup sulariamik sularinera

Ilinniartiaanermut Kulturimut Sunngiffimmullu ataatsimiititaliami siulittaasup februaarip 9-ani 2011-mi suliaq sularivaa.

#### **Innersuussut**

Ilinniartitaanermut Kulturimut Sunngiffimmullu ataatsimiititaliami siulittaasup aningaasaqarnermut ataatsimiititaliamut akuereqqullugit innersuussutigai

Pisarinissaanut iluarsartuunneqarnissaanullu:

- B-87 aamma B-88 katillugit 75.000 koruunilerlugit pisarineqassasut, 100.000 koruunillu tikillugit iluarsartuunneqassasut.
- Konto 90-02-20-90-04 – Kangaamiuni katersugaasivissaq – massakut 194.006,71 koruunik aningaasartaqartoq aqutigalugu illut pisarineqassasut.

2011-mi ingerlatsinermut:

- Kangaamiuni katersugaasivissap 2011-mi ingerlanneqarnissaanut nunaqarfimmi aqutsisut aningaasanit nammeneq atugasaanit 60.000 koruuninik matussuserneqassasoq. Konto 90-02-20-90-04 – Kangaamiuni katersugaasivissaq – aqutigalugu illut pisarineqareerpata, iluarsartuussinissamullu aningaasartuutissat matussuserneqareerpata, aningaasat sinneruttut 2011-mi ingerlatsinissamut atorneqassapput.

Ukiunut 2012-imit 2014 tikillugu missiliuuteqarfiusunut:

- 2012-imit 2014 tikillugu sapaatip akunneranut akunnerit qulit akissarsiassatut tunniunneqartussatut ingerlatsinissami missingersuutigineqartut akunnernut tallimanut appar-tinneqassapput, taamaaliornikkut ingerlatsinermi missingersuutitigut 24.000 koruunit sipaarutigineqarsinnaammata. Tamatuma kingunerisaanik ukiumut ingerlatsinermi missingersuutit 86.000 koruuniussapput.
- 2012-imit 2014 tikillugu ingerlatsinermi 86.000 koruunit missingersuutigineqartut nunaqarfimmi aqutsisut aningaasat nammeneq atugassaannit matussuserneqassapput.



**Aalajangiineq**

Innersuussutigineqartut akuersissutigineqarput.

**Ilanngussat**

1. B-87-88-ip pisiarineqarnissaa iluarsartuunneqarnissaalu
2. 2011-mi katersugaasivimmik ingerlatsineq
3. Ukiut 2012-imit 2014 tikillugu missiliuuteqarfiusut
4. Kangaamiuni nunaqarfinni aqutsisut ulloq februaarip 8-ani ataatsimiinnerat



## **Imm. 10 2011-mi Arctic Circle Race-qarnissaanut tapiissutit**

*Journalnr. 73.15*

### Tunuliaqutaq

2011-mut missingersuutit naapertorlugit Arctic Circle Race (ACR) aningaasaliiffigineqarnissaminik qinnuteqarpoq.

Ukioq manna 15-issaanik ACR ingerlanneqassaaq. ACR aallartimmalli Sisimiut Kommunerisimasaa ukiut tamaasa 500.000 koruuninik aningaasaliisarpoq, aningaasaliissutissallu ukiup tullissaanut missingersuutinik Kommunalbestyrelsip akuersissuteqarneratigut akuersissutigineqartarlutik, soorlu 2011-mut missingersuutit akuersissutigineqarnerini taama pisoqartoq. Siuliani aningaasaliissutigineqartartut oqimaatsunik assartuinissamut atugassanngorlugit aningaasaliissutigineqartarput, ukiunili kingullerni marlunni ACR-ip ingerlanneqarnissaanut aningaasaliissutit siunertanut aalajangersimasunut atugassanngornagit aningaasaliissutigineqartarlutik. ACR-ip allatseqarfia ullumikkut Inuutissarsiutitigut Siunnersuisooqatigiit allatseqarfianit isumagineqarpoq.

### Maleruagassatigut tunngavissat

Kommuninut pisinnaatitsissut (isummanut tunngaviit inatsisitigut aalajangersagaanngitsut, kommunip (inatsisitigut tunngaveqanngitsumik) suliassanik isumaginnissinnaanissaanut periarfissai kommuninut pisinnaatitsissutit taaneqartarput). Arctic Circle Race peqatigiiffiulluni pisoq ukiumoortumik ingerlanneqartarmat, kommunimut pisinnaatitsissut atorineqartarpoq.

### Pissutsit atuuttut

Kommunalbestyrelsip 2011-mut missingersuutinik akuersissuteqarnermigut aalajangerpaa, immikkoortortat tamarmik 5 procentimik sipaarutaasinnaasunik ujartuissasut. Tamatuma kingunerisaanik ACR 25.000 koruuninik sipaarniarfigineqarpoq. Taamaattumik 2011-mut missingersuutitigut ACR-imut aningaasaliissutit 5 procentimik appartinneqarnissaannik suliaq, aningaasaqarnermut ataatsimiititaliamut akuersissutigineqartussanngorlugu saqqummiunneqarpoq.

### Aningaasaqarnikkut allaffissornikkullu kingunerisinnaasai

Aningaasaliissutit appartinneqarnissaat kommunimut toqqaannartumik kinguneqaatissaqanngilaq, ACR-imulli tapiissutit tamarmik naatsorsuutaannut sunniuneqartarmata, ACR-imut annerusumik kinguneqaateqarsinnaanerani ernumassutigineqarsinnaalluni.

### Qullersaqarfiup oqaaseqaatai

Annerusumik oqaaseqaatissaqanngilaq.

### Allaffeqarfiup naliliinera

Allaffeqarfiup nalilerpaa, immikkoortortani tamani 5 procentimik sipaaruteqarnissaq assigalugu ACR-imut tapiissutit aamma 5 procentimik appartinneqassasut.



**Innersuussut**

Allaffeqarfiup aningaasaqarnermut ataatsimiititaliamut akuereqqullugu innersuussutigaa, Arctic Circle Race-mut 2011-mi 475.000,00 koruuninik tapiissuteqartoqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Arctic Circle Race-mut 2010-mut naatsorsuutit.



## **Imm. 11 Qeqqani Inuussutissarsiutinut Siunnersuisoqatigiinnik Kiffartuussinissamik isumaqatigiissut - 2011**

*Journalnr. 66.15*

### Tunuliaqutaq

Qeqqani Inuutissarsiornermut Siunnersuisoqatigiit (QIS) kommunillu kiffartuussinissamik isumaqatigiissutaat naapertorlugu tapiissutinik tunineqartarpoq ukiullu tamaasa januar-imi nutarterneqartartussaalluni.

### Maleruagassatigt tungavissaq

Tapiissutit tunniunneqartarput Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisissaat nr. 23, 18. december 2003-meersoq malillugu.

Ukiukkaartumik kommunip inuutissarsiutitigullu siunnersuisoqatigiit tapiissutit qanoq atorneqarnissaannik isumaqatigiissuteqartassapput, illuatungeriillu sutigit pisussaaffeqarnerisut ilanngullugit. Inuutissarsiutitigit siunnersuisoqatigiit suliatic pillugit kommunalbestyrelsimut nalunaarusiortassapput.

### Pissutsit atuuttut

Kiffartuussinissamik isumaqatigiissummi 2010-mi isumaqatigiissummut sanilliullugu allannguutit marluupput.

1. Siullertut allannguut tassaalluni ”januarimi ukiup sisamararterutaanut siullermut allanngortinneqarmat, tamatumani manna peqqutaavoq, siullermeertumik aningaasaqarnermut ataatsimiititaliaq aatsaat februariumi ataatsimiittarmat, kommunalbestyrelsilu sinnerlugu aningaasaqarnermut ataatsimiititaliap kiffartuussinissamik isumaqatigiissummik akuersi-sartuunissaa allaffeqarfiullu pingaartutut isigimmagu.
2. Allannguutit aappaat tassaalluni, Isumaqatigiissutit nalinga akiliuteqartarnerullu iluani al-lasimasoq: ”Qeqqata Kommunian seskabip allaffinnik pisariaqartitaanik atugassissavaa, taamatullu innaallagissamat, kiassarnermut, eqqaavinnut eqqaaasitsinernullu nalinginnaasumik atuinera aamma isumagissallugu”-mut ilanngunneqarmat: QIS kommunip illuutaaniitsillu-gu.

Allannguinnermut peqqutaavoq, siusinnerusukkut Inuutissarsiutitigit siunnersuisoqatigiinni immikkoortuni, Maniitsumi Inuutissarsiutitigit Siunnersuisoqatigiit angerlarsimaffinni kiffartuussinermik isumaqatigiissut aqqutigalugu akilersugaasunik inissisimaffeqarsimammatt, Sisimiunili Sisimiuni Inuutissarsiutitigit Siunnersuisoqatigiit kommunip inaataanik kommunimit akilersorneqartumik attartortuulluni. Inuutissarsiutitigit Siunnersuisoqatigiit ataatsimoortilernerini kommunip Maniitsumi Inuutissarsiutitigit Siunnersuisoqatigiinnut kommunip allaffeqarfiani inissaqarnissaa neqeroortigivaa, tassanilu inuutissarsiutitigit pisortaq kiisalu aalisarnermut piniarnermullu siunnersorti allaffeqarsinnaasut, alumiiniumi pillugu ataqatigiissaarisooq tassaneeremat, taamaalillunilu nukinnik atuneq inuutissarsiutinullu tungasutigit iliutsit ataqatigiissaarneri pitsaanerusumik ingerlanneqassammata, taamatullumi aamma imminnut ikoqatigiinnerusinnaassallutik.





Inuutissarsiutitigut siunnersuisoqatigiit kommunip neqeroorutaa ilassilluanngilaat, ilaatigut namminneq sulisarnerminnut sanilliullugu kommunip allaffeqarfiata ammasarnera allaammat. Aalisarnermut piniarnermullu siunnersortip allaffeqarneranut aningaasartuutit kommunip aningaasartuutigimmagit, qullersaqarfiup aalajangiuppaa siunnersorti kommunip allaffeqarfia-niilissasoq.

Kiffartuussinissamillu isumaqatigiissutikkut anguniarneqarpoq, Maniitsumi Inuutissarsiutitigut Siunnersuisoqatigiit kommunip allaffeqarfiata avataani inissisimappat, aningaasartuutit tapiis-sutitigut matussuserneqartassasut.

QIS-imik kiffartuussinissamik isumaqatigiissut qaammatinik aqqaneq-marlunnik siumoortumik ili-simatitsinikkut atorunnaarsinneqarsinnaavoq. Kommunip taamatullu inuutissarsiutitigut siunnersui-soqatigiit pisussaaffii isumaqatigiissummi takuneqarsinnaapput.

Kiffartuussinissamik isumaqatigiissummi tulluuttut suliniutissatut takuneqarsinnaapput:

*Inuutissarsiutitigut nalinginnaasumik ineriartortitsineq*

- Qeqqata Kommuniani illoqarfinni marluusuni nunaqarfinnilu arfiniliusuni inuutissarsiutitigut piumasagaatit aallaavigalugit nammineq ingerlatat aqutugalugit inuutissarsiutitigut ineriartortitsinissap nukittorsarneqarnissaa.
- Nunap immikkoortortaani inuutissarsiutitigut ineriartortitsinissami periarfissatigullu pisariaqartitat takussutissiorneqarnissaat.
- Suliffissarsiortunut ilinniartunullu sulinissamik neqerooruteqartarnissamik pilersitsinissaq pil-lugu kommunimi suliffissarsiuussisarfinnik suleqateqarneq.
- Pisortat namminersortullu akornanni ataatsimiititaliani ataatsimiinnernilu allani ataqatigiis-saartumik suleqatigiinnermut peqataanissaq.
- Inuutissarsiutitigut peqatigiiffiit najugaqarfinni suliaasa ataqatigiissaarneqarnerisigut nunap immikkoortortaani inuutissarsiuteqarnerup ataqatigiissinneqarnissaa kiisalu ataatsimut sam-misassaqaartitsinissat, pikkorissaanissat, isumasioqatigiissitsinissat malinnaatitsillunilu ataatsimiittarnissat isumagissallugit.
- Nunap immikkoortortaani inuutissarsiutitigut ineriartortitsinissami pingaarutillit pillugit inu-iaqatigiinni suliniutissat pillugit GTE-mik suleqateqarneq

*Siunnersuineq*

- Najugaqarfimmi, nunap immikkoortortaani, nunap iluani inuiaqatigiinnilu ineriartorfusinaa-sutut ilisimasat aallaavigalugit periarfissanik nutaanik niuerfinnillu suliffeqarfinnut aal-lartitsi-nianullu siunnersuineq
- Aallartitsinianik siunnersuineq, tapersorneqarnissamilu periarfissanik suleqatigisinnaasa-nilu tikkuussisinaanerup qulakkeerneqarnissaa.
- Inuiaqatigiinnut avammullu tunisassiassanik nutaanik suliniutinut tapertaasussamik nunap immikkoortortaani aallartitsiniat suliniutissanik ineriartortitsinerini ikiorserneqarnissaat
- GTE-mik kiisalu Greenland Venture-mik pitsaasumik suleqateqarnerup attatiinnarneqarnissaa



Takornarialerinermi suliniutissat

*Tuniniaaneq*

- Nunami inuiaqatigiinnullu nunap immikkoortortaata tuniniarneqarnissaa pillugu suliniutissanut GTE-mik, Greenland Venture-mik allanillu pingaaruteqartunik suleqateqarneq
- Destination Arctic Circle Region angallavissaqqissutut nunarsuarmioqatigiit isiginnittaaseqalernissaannut nammineq suliniuteqarnerup nukittorsarneqarnissaa.
- Nunap immikkoortortaani takornarialerisut sammisassanik tuniniaanerini ilisimasanik, nunallu iluani inuiaqatigiinnilu suliniutit ataqatigiissaarneqarnissaannut takornarialerisut nunallu immikkoortortaani ataatsimut tuniniaanissamut pimoorullugu suleqataaneq.
- Nunap immikkoortortaani takornarialerisut tuniniaanissaannut, sullissinissaannut illassinninissaanullu atortussaannik piareersimatitsinissaq.

*Attaveqaqatigiinneq*

- Destination Arctic Circle Region-imi tamani tuniniaanermik takornarialerisut nittartagaqalersinneqarnissaat taassumalu malinnaatinneqartuarnissaa
- Takornarialerinerup ineriartortinneqarnissaanut attaveqaqatigiinnikkut pisariaqartitat pillugit takornarialerisunik kiisalu illoqarfimmi, nanap immikkoortortaani, nunami inuiaqatigiinnilu takornarialerisunik ataavartunik oqaloqateqartarneq.
- Nunap immikkoortortaani nunalu tamakkerlugu attaveqaqatigiinnikkut ineriartortitassatut pisariaqartinneqartut pillugit pisortanik suleqateqarneq
- GTE nunallu immikkoortortaani takornarialerisut suleqatiginerisigut takornariaqarnerulersitsinnaasutut suliniutit allallu nutaat ineriartortinneqarnissaannut suliniuteqarneq.

*Siunnersuineq, paasissutissiineq ilinniartitaanerlu*

- GTE-mut suleqatinullu allanut pitsaasumik suleqatigiinnissap qulakkeerneqarnissaa
- Nunap immikkoortortaani tamani takornarialerinermik aallartitsinianik siunnersuineq
- Takornariaqarneq takornariaqarnerullu ineriartortinneqarnissaa pilluggu innuttaasunut, inuutissarsiutilinnut kommunimullu ilisimasanik tunniussisarneq
- Takornarialerinerup iluani ilinniarnissamut periarfissanik paasissutissiisarnissamut aqqtis-siuussineq.
- Sumiiffik ataatsimoortumik tamarmiutillugu saqqummersitsinerni ataatsimiinnernilu sinniisuuffigisassallugu

Kommunip QIS-imik isumaqatigiissutaata saniatigut aamma taamatuttaaq Namminersorlutik Oqartussat toqqaannartumik QIS-imik isumaqatigiissuteqarput, Namminersorlutilli Oqartussat Nunap immikkoortuisa ineriartortinnissaannut periusissaq (NIIP) aamma ingerlatalarugit, tamatumani pingaartitat isumaqatigiissummut ilanngunneqarlutik.

QIS-imik Namminersorlutik Oqartussat kiffartuussinissami isumaqatigiissutaata siunertarivaa, nunami tamarmi inuutissarsiutitigut ineriartortitsinerup sumiiffinni takornariaqarnikkut inuutissarsiutitigullu ineriartortitsinerit annertusarnissaat ataqatigiissaagaanerunissaallu, tamatumani nuna tamakkerlugu suliniutillit kiisalu Kalaallit Nunaanni Takornariaqarnikkut Inuutissarsiutitigullu Siunnersuisoqatigiit ISN-ilu aamma eqqarsaatigalugit, taakkuummata Naalakkersuisut nutaamik inuutissarsiutitigut ineriartortitsinerimut attuumassutillit, ilisarnaatigalugu: ”Illit sumiiffiit – illit toqqakkat” – Nunap immikkoortuini ineriartortitsineranut aqqitaasut. 2010-mut ukioq naallugu kiffartuussinikkut isumaqatigiissut 468.750 koruuninik aningaasartaqarpoq. Isumaqatigiissut ukioq manna nutartigassaavoq.



Aningaasaqarnikkut allaffissornikkullu kingunerisinnaasai

QIS-imut 2010-mut missingersuutitigut 1.425,000 koruuninik immikkoortitsisoqarnikuuvoq, kiffartuussinissamilli isumaqatigiissut naapertorlugu 1.489,000 koruunit konto 37-01-10-35-01-ikkut tunniussisoqarsimalluni. Aningaasat ukiup affakkaartumik tunniunneqartarput.

Kommunalbestyrelsi 2011-mut missingersuutininik akuersinermiut atatillugu aalajangiivoq, ataatsimiititaliat kingusinnerpaamik 2010-p naaneranut susasaqarfimmik iluini 5 procentinik sipaarniutisaminnik siunnersuusoqkullugit. Taamaattumillu tapiissutissatut siunnersuutip annertussusissaa QIS peqatigalugu sipaaruteqarnissamik piumasagaat naapertorlugu suliaalluni. Taamaammat 2011-mut tapiissutissat ataatsimut katillugit 1.414.550 koruuninut inissitaapput, ukiup affaanut siullermut kingullermullu avillugit.

Allaffeqarfiup naliliinera

Allaffeqarfik naliliivoq, kiffartuussinissamik isumaqatigiissutikkut naleqqussagaasukkut suliaassareersut ingerlaqqinnissaat inissaqartinneqartoq, inuutissarsiutitigullu pilersaarummi anguniakkanut naapertuulluni.

**Innersuussut**

Aningaasaqarnermut ataatsimiititaliamut akuereqqullugu innersuussutigineqassaaq:

- Qeqqata Kommuniani kiffartuussinissamik isumaqatigiissutissatut siunnersuut, kiisalu
- Qeqqani Inuutissarsiutitigut Siunnersuisoqatigiinnut kiffartuussinissamik isumaqatigiissut naapertorlugu katillugit 1.414.550,- koruuninik marlunnut avillugit tapiissuteqartoqassasoq, tassa aningaasaqarnermut ataatsimiititaliaq kiffartuussinissamik isumaqatigiissutissamut akuersippat siulliit 707.275 koruunit tunniunneqassallutik sinnerilu juulip 1-ani 2011-mi.

**Aalajangiineq**

Innersuussutigineqartut akuersissutigineqarput.

**Ilanngussaq**

1. 2011-mut kiffartuussinissamik isumaqatigiissutissatut siunnersuut.

## **Imm. 12 Pisiniartarnermi politikki**

*Journalnr. 10.00*

### Tunuliaqutaq

Aningaasaqarnermut ataatsimiititaliap pisiniartarnermi politikkipissaq siunnersuusiorpaa. Peqatigitil-lugulu aamma pisiniartartussanik suleqatigiissitassat pilersinneqarlutik, taamatullu aamma pisiniar-tarnissami ilitersuut pisiniartarnissamilu isumaqatigiissutissaq piareersarneqarlutik.

### Maleruagassatigut tunngavissaq

Karseqarnermi naatsorsuuserinermilu malittarisassat imm. 9.4-aani pisiniartarnissamut tunngasutigut allaqqasoqarpoq, pisiniartarnermi politikki aningaasaqarnermut ataatsimiititaliap akisussaaffigaa.

### Pissutsit atuuttut

Allaffeqarfiup periarfissat assigiinngitsut misissorpai, tassa kommunip pisiniartarnera pitsaaneruler-sinniarlugu.

Pisiniartarnermi politikkipissami ilanngussami arlalissuarnik anguniagaqarnissaq tunaartarineqarpoq, matumani aningaasaqarneq, illoqarfimmi pisiniartarnissaq, avatangiisit, ataatsimoortumik pisiniar-tarnissaq il.il. pingaartillugit.

Aaqqissuussaanikkut pisiniartartoqarnermi pisortatut atorfirmik pilersitsinissaq nalilersuiffigineqar-poq, illulli avataani aaqqissuussinikkut pissutsit nunattalu isorartunera patsisaallutik, aaqqissuussaa-nikkut taama aaqqinissaq piffissaq qanittoq isigalugu naleqquttuusorinarani. Tassunga taarsiullugu pisiniartarnermi suleqatigiit arlariisillugit Sisimiuni Maniitsumilu pilersinneqassapput, taakkulu kommunimi pisiniartarneq ataqatigiissaarlugulu pitsanngorsassavaat.

Taamatuttaaq pisiniartarnermi ilitersuutissaq suliarineqarpoq, pikkorissartitsinissallu eqqarsaataallu-tik, taamaalilluni politikkipikkut anguniakkanut naapertuunnerusumik kommunip pisiniartartui pitsaa-nerusunik atortussaqaqalerniassammata pisiniartarnerminnilu pitsaanerusumik ilisimasaqalerniassam-mata.

### Aningaasaqarnikkut allaffissornikkullu kingunerisinnaasai

Pisiniartarnissami politikkipissaq nammineq aningaasaqarnikkut allaffissornikkulluunniit annertune-rusumik kinguneqartussaangilaq, naatsorsuutaallunili pisiniartarnermi isumaqatigiissusiornertigut kommunillu suliffeqarfiutaani pisiniartarnerisa pitsanngorsarnerisigut aningaasaqarnikkut pisiattu pitsaanerulernerinik malunniukkumaartut.

### Allaffeqarfiup naliliinera

Allaffeqarfik naliliivoq, pisiniartarnermi politikkeqarnissaq kommunimi pisiniartarnikkut pitsanngui-nernut aqquutissiuussissasoq. Pisiniartarnermi politikkeqarnikkut kommunip avataaniit pisiniartarfii kommunillu anguniagai nakkutigineqarnerulissapput.

## **Innersuussut**

Aningaasaqarnermut ataatsimiititaliamut pisiniartarnermi politikkipissaq akuereqqullugu innersuus-sutigineqassaaq



**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Pisiniartarnermi politikkissatut siunnersuut



**Imm. 13 Nunami sumiiffiup sinniisaatut aaqqissuussinermit kommunit misilittagaat pillugit tusarniaaneq**

*Journalnr. 11.00*

Tunuliaqutaq

Nunamut namminermut allaffiup allakkatigut januar-ip 21-iani 2011-meersukkut kommunit qinnuigai nunami sumiiffiup sinniisaatut aaqqissuussinermit kommunit misilittakkatik pillugit nassuiaasioqqul-lugit.

Taamaattumik qinersisarnermut inatsisit iluarsaanneqarsinnaaneritut atatillugu nunami sumiiffiup sinniisaatut aaqqissuussinermit kommunit misilittagaat qinnutigineqarput.

Nassuiaammi ilaatigut qulequttat tulliuttut ilannguteqquneqarput:

- Nunami sumiiffiup sinniisaatut aaqqissuussinermit nalinginnaasumik misilittakkat
- Nunami sumiiffiup sinniisaatut aaqqissuussinerup pitsaaqutai ajoqutaalu
- Nunami sumiiffiup sinniisumik aamma/imaluunniit taassuma sinniisussaani aggersaasarner-mut atatillugu misilittakkat.

Siullermi tusarniaanermi akissuteqarnissamut 11. februar 2011 piffissaliunneqaralarpoq kingusinne-rusukkut allakkatigut kinguartinneqartoq 23. februar 2011 nalunaarutigineqarpoq.

Maleruagassatigut tunngavissat

Nunami sumiiffiup sinniisaa qinigaavoq aaqqissuusseqqinneq pillugu ”immikkut inatsimmi” § 4, imm. 2 naapertorlugu (Kommunini suliaasaqarfiit aaqqissuuteqqinneqarnerat pillugu Inatsisartut inatsisaat nr. 14, 19. november 2007-imeersoq) taamalu Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 10, 31. oktober 1996-imeersumi ”nalinginnaasumik” inatsimmut ilaanani.

§ 6, imm. 2. ”1. januar 2009-mi Ikaarsaariarnermi Ataatsimiititaliaq kommunimi nutaami kommu-nalbestyrelsitut atuutilissaaq atuutissallunilu 2013-imi aprilmi kommunalbestyrelsinut qinersinerup tungaanut.”

Pissutsit atuuttut

Oqartussaaqataaneq aallaavigalugu, kommuunerujussuanngornermut atatillugu nunami sumiiffinni sinniisuutitaqartisineq pitsaasumik suliniarneruvoq, taamatummi aaqqiisoqarneratigut kommuunito-qaasunit kommuunerujussuarmi sinniisuutitaqartitsisinnaaneq qulakkeerneqarpoq, taamaaliornikkullu oqartussaaqataaneq pigiinnarneqarluni, naak tamanna Qeqqata Kommunianut toqqaannartumik sunniutaassanngikkaluortoq, kommunimmi marluinnaat kattunneqarput.

**Pitsaaqutit:**

Qeqqata Kommunianut tunngatillugu, nunami sumiiffinni sinniisuutitat illoqarfinni marluusuni borgmesteri aappaaniimmat borgmesterimullu tullersortaasoq aappaaniilluni. Taamaalilluni innuttaa-sut qinikkatik qanimut oqaloqatigiartornissaannut periarfissaqartinneqarlutik, taamaalillunilu innut-taasut oqartussaaqataanera attatiinnarneqarsinnaalluni. Nunami sumiiffinni sinniisuutitat qanimut attavigineqariaannaammata innuttaasunut toqqissisimanartitsivoq.



Nunami sumiiffinni sinniisuutitaqarnikkut pitsaaqutaasinnaasoq tassa illoqarfimmi borgmesterip angerlasimaffiginngisaani nunami sumiiffinni sinniisuutitaasoq pisortatigoortumik suliassanik tigusiinnaavoq, soorlu nalliuttuni pisortatigoortumik oqalugiarnert, assigiinngitsuni pisortatigoortumik ammaanersiortoqassatillugu kommunimut sinniisuuneq, peqatigiiffinnik, selskabinik allanilluunniit soqutigisalinnaq ataatsimeeqateqarneq kiisalu ulluni innuttaasut saaffiginniffiginnaasaanni.

### **Ajoqutit:**

Ikaarsaariarnermi ataatsimiititaliamut/kommunalbestyrelsimut 2008-mi qinersisoqareernerani, nunami sumiiffinni sinniisuutitanut sinniisussanik nalunaarsuiffeqarnermut tunngasunik taamanikkut Namminersornerullutik Oqartussanit ersarissumik nalunaarutigineqarnikuunngilaq. Aatsaalli 2008-mi oktobarip 29-ani Qinersisitsisut allattoqarfiannit allakkatigut nalunaarutigineqarpoq, nalinginnaasumik sinniisussanut nalunaarsuiffeqarnerup saniatigut nunami sumiiffinni sinniisuutitanut sinniisussanik nalunaarsuiffeqartoq.

Taammaattumik nunami sumiiffinni sinniisuutitanut sinniisussanik nalunaarsuiffik aallaaviginagu, nalinginnaasumilli sinniisussanut nalunaarsuiffik aallaavigalugu 2008-mi juunip 12-ini Maniitsumi nunami sumiiffinni sinniisussamik Ikaarsaariarnermi ataatsimiititaliamut aggersaasoqarpoq, tassami nalinginnaasumik sinniisussanut nalunaarsuiffeqarnerup saniatigut allamik peqarnera sianigineqannginnami. Taamaattumik kommunalbestyrelsimut ataatsimut assigiinngitsunik marlunnik sinniisussanut nalunaarsuiffeqarnissaq pitsaanngitsutut isigineqarpoq.

Aammami ataatsimiinneq video/oqarasuaat atorlugu ingerlanneqartarmat nunami sumiiffinni sinniisussamik aggersaasarneq ajornartorsiutitut isigineqanngilaq, qanimulli tikilluni ataatsimiittoqassatillugu angalarnarneq ajornartorsiutaasarsinnaavoq, nunaqarfimmi aqutissat tamakkiisuunnginneri patsisaallutik.

Ajoqutit aamma ilagaat, nunami sumiiffinni sinniisuutitaasoq sutigut atuuffeqassanersoq qanorlu piginnaasaqassanersoq taamatullu aqqissuussinermi suna siunertaanersoq pillugit sumiluunniit allaq-qasoqannginnera. Siunertaq pillugu kiisalu nunami sumiiffinni sinniisuutitaasoq sutigut atuuffeqassanersoq qanorlu piginnaasaqassanersoq ersarissumik nassuiaateqartuuppat, taamatut aqqissuussineq illuatungeriinnut tamakkiisumik iluaqutaassaaq. Assersuutigalugu borgmesteri nunamilu sumiiffinni sinniisuutitaasoq illoqarfimmi ataasiinnarmi najugaqarpata, nunami sumiiffinni sinniisuutitaqartitsineq attatiinnarneqassapat, nunami sumiiffinni sinniisuutitaqartoqaannassava?

### Allaffeqarfiup naliliinera

Pisortaanerit 2011-mi februaarip 3-ani ataatsimiinnerminni isumaqatigiissutigaat, allannguutissaq annertummat Nunamut namminermut Naalakkersuisoqarfimmut saaffiginnissutigineqartariaqartoq, allannguutissatullu siunnersuuteqarnissaq sioqqullugu Inatsisartunut saqqummiunneqaaqqaartariaqartoq, Naalakkersuisup kommunalbestyrelsillu akornanni oqallinnissamik naapeqatigiittoqartariaqarluni, massakktut periuserineqartutut pinatik, tassami tusarniummut piffissaliussap qaangiutinnginnerani tusarniut pillugu kommunalbestyrelsit iluminni eqqartuinissaannut periarfissiisoqanngilaq aammami qinersisoqarnissaa ukiut marluk qaangiuppata aatsaat pissaaq.



### **Innersuussut**

Allaffeqarfiup aningaasaqarnermut ataatsimiititaliamut innersuussutigaa:

- tusarniut eqqartorneqassasoq kiisalu
- tusarniummi akissuteqaatikkut nalunaarutigineqassasoq, qinersisarnermut inatsimmut allannguutissatut siunnersuuteqartoqarnissaa sioqqullugu, allannguutissatut siunnersuutissaq tuaviuutipiluutaasumik suliaaqqunagu attuumassuteqartut pingasuusut oqallitsinneqaqqaassasut.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Nunami Namminermut, Pinngortitamut Avatangiisunillu Naalakkersuisoqarfimmit tusarniaassut januarip 21-ani 2011-meersoq.



**Imm 14 Pisortat ingerlatsineranni suliassat suliarineqartarnerat pillugu inatsisip  
allangortinneqarnissaanut siunnersuutip tusarniaassutigineginera**

*Journalnr. 00.03.01*

Tunuliaqutaq

Pisortat ingerlatsineranni suliassat suliarineqartarnerat pillugu inatsisaata allangortinneqarnissaanut siunnersuut Naalakkersuisut Siulittaasuata Naalakkersuisoqarfianit mail-ikkut 11. januar 2011-meersuk-  
kut tusarniaassutigineqarpoq. Tusarniaanermut killigititaavoq ulloq 31. januar 2011. Allaffeqarfik paasi-  
niaanermigut paasitineqarpoq tusarniaanermut 15. februar 2011 akissuteqarsinnaasoq.

Kalaallit Nunaannut pinerluttulerinermik inatsimmik nutaamik 1. januar 2010-mi eqquusisoqarnerata  
kingorna nipangiussisussaataaneq pillugu suliassat suliarineqartarnerat pillugu inatsimmi aalajanger-  
sakkat arlallit iluarsineqarnissaat pisariaqarpoq. Inatsimmi pinerluttulerinermik inatsimmut innersuus-  
sinerit pinerluttulerinermik inatsimmut massakkut atuuttumut naapertuuttunngorlugit matumuuna  
nalunaarutigineqarput. Siunnersuuteqarnikkut inatsisitigut massakkut atuuttuni allangortitsinissaq  
eqqarsaataangilaq.

Peqataanik namminersorneq pillugu inatsisip eqqunneqarnerata kingorna Naalakkersuisunut aamma  
Kalaallit Nunaanni Namminersorlutik Oqartussanut taaguutit suliati suliarineqartarnerat pillugu  
inatsimmi oqaatsinut atorineqartunut naapertuuttunngorput.

Allaffeqarfiup naliliinera

Allaffeqarfik annerusumik oqaaseqaatissaqanngilaq inatsisissatut allannguutissatut siunnersuutip  
annerusumik oqaatsinik atorineqartunik naqqiineq pineqarmat.

**Innersuussut**

Allaffeqarfiup Aningaasaqarnermut ataatsimiititaliamut innersussutigissavaa, Naalakkersuisut Siulit-  
taasuata Naalakkersuisoqarfia nalunaarfigineqassasoq tusarniaatit siunnersuut tusaatissatut tigure-  
qartoq.

**Aalajangiineq**

Paasissutissatut tigureqarpoq.

**Ilanngussaq**

1. Pisortat ingerlatsineranni suliassat suliarineqartarnerat pillugu inatsisaata allangortinneqarnissaa  
pillugu siunnersuut
2. Inatsisissatut siunnersuummut nalinnginnaasumik oqaaseqaatit
3. Allakkat tusarniaassutit ulloq 11. januar 2011-meersut



## **Imm. 15 Aluminiumik aatsitsiviliornissamut atatillugu nunanit allamiunit sulisoqarneq**

*Journalnr. 74.00.13*

### Tunuliaqutaq

Aluminiumik aatsitsiviliornissamik pilersaaruteqarnermi misissuineq ilimagisatut siumukarsorinangilaq. Najoqqutassanik aalajangiisuusussanik 2010-ip aallartinneranili saqqummertoqarnikuunngilaq, taknikkitaanullu tunngasumik misissueqqinneq killiligaanngitsumik kinguartinneqarsimasorinarluni.

Aluminiumik aatsitsiviliornissamut atatillugu nunanit allamiunit sulisoqarnissaq taakkuninngalu atuisoqassappat akissarsiat annertussusissaa pillugit politikikkut kingullertigut sammineqangaatsialernikuupput. Tassunga atatillugu kommunip isumaminik erseqqissaanissaa pingaartuuvoq.

### Maleruagassatigut tunngavissat

Aluminiumik aatsitsiviliornissamik pilersaarut aatsitassarsiornermut tunngasut akerlianik immikkut inatsisiliorfigineqarnikuunngilaq. Taamaattumik nalinginnaasumik inatsit naapertorlugu Aluminiumik aatsitsiviliornissamik pilersaarut ingerlanneqassalluni.

Kalaallit Nunaanni Namminersorlutik Oqartussat Alcoa-llu akornanni suleqatigiinnissamik isumaqatigiissusiortoqarnikuuvoq, kommunilu sulit tassunga ilaalernikuunngilaq.

### Pissustsit atuuttut

Kalaallit Nunaanni nunap annertussusia pinngortitallu tunniussinnaasaanik isumalluuteqarneq eqqarsaatigalugit inuiaqatigiit ikittunnguupput, taamaattumik isumalluutit taakku atorluarnissaat aallartinneqassata, nunanit allaneersunit sulisulersornissaq avaqqukkuminaappoq. Tassunga atatillugu nunait allaneersunit nunarsuaq tamaat isigalugu qaffasissumik ilinniagalinnik immikkut ilisimasalinnik atuinissaq ilaatigooriarluni pisariaqartinneqartassaaq, nammineerlutami tamakku piginnaasaqarfiginnginnatsigit. Allanut tunngatillugu nunarsuaq tamaat isigalugu akissarsiatigut appasinnerulaamik inissisimasunik nunanit allaneersunik sulisoqarnissaq pisariaqartinneqartassaaq, naammattunik sulisussaqqannginnerput patsisaalluni.

”Aluminiumik aatsitsiviliornissamik pilersaarutip aningaasaqarnermut sunniutaa” pillugu NIRA Geenland-imit nalunaarusiaq, Greenland Development 2010-mi januaarip saqqummersippaa. Aatsitsiviliornierup nalaani sulisut 2.600-t erngup nukinganik nukissiorfiliorfiup aatsitsiviliorfiullu eqqaani tammaarsimaffeqartussat sulisorineqarnissaat nalunaarusiami missiliuunneqarpoq, tamatumalu kingorna ingerlatsilereernerup nalaani Maniitsup illoqarfiani ukiumut sulisut 1.100-1.200-ssangatinneqarlutik. Taamaallilluni sanaartornerup nalaani kalaallinik suleqataasussanik taamak merlatigisumik pissarsinissaq ajornassaaq, ingerlatsilernissamilu sulisussarsiornissaq unammianiarnartorujussuusaaq.

Sanaartornerup ingerlanerani ukiuani siullermi inuit 250-it miss. naatsorsuutigineqarput, ukiullu aappassaani 550-t miss, ukiullu pingajussaani 2.000-it miss., ukiut sisamassaani 2.600-t miss., ukiut tallimassaani 1.800-t miss. kiisalu ukiut arfinilissaanni 300-t miss. Ataatsimut katikkaanni sanaartornerup nalaani ukiuni taakkunani inuit 7.500-t miss. sulisinneqassapput. Sapaatip akunnerini 45-ni sapaatip akunneranut akunnerit 60-it sulisarpara, ukiumut akunnerit 20.250.000-it sulinermi atorneqassapput. 100 koruunimik akunnermusiaqarpata, sanaartornerup nalaani akissarsianut aningaasartuutit 2 mia. Koruunit missiliussavaat. 25 koruunimik akunnermusiaqarpata, sanaartornerup nalaani akissarsianut aningaasartuutit ½ mia. koruuniussallutik. Taamaallilluni sanaartornerup nalaani akunnermusiaq 100 koruunimut taarsiullugu 25 koruuniutikkaanni, 1,5 mia. koruunit miss. pilersaarummi sipaarneqarsinnaassapput.



Taamaalilluni sanaartornerup nalaani sulisut pisariaqartinneqartut allaavigalugit nunanit allaneersunik sulisulersortoqassappat, kalaallit akissarsiaanni minnerpaaffii imlt. nunarsuarmi akissaasersoriaaseq naapertorlugu akissarsiaqartitsisoqassappat, aningaasarpasuit pineqarput. 1,5 mia. koruunit miss. tikillugit nikingassut, pilersaarutip imminut akilersinnaasumik ingerlasinnaanissaanut taamaalillunilu piviusunngorsinnaanissaanut aalajangiisuusinnaasoq.

Tassunga sanilliullugu maluginiagassaqqilluni, Island-ip kangisissuani Alcoa-p Aluminiumik aatsitsiviliornerata nalaani kiniserinik sulisoqarsimaneq. Aammattaaq piffissami kingullermi nunarsuatsinni sanaartortoqartarnerani, aluminiumik aatsitsiviliornermi pilersaarusionerup unammillissutigineqarnerani kiniserinik sulisoqartarneq nalinginnaavoq, pingaartumik Kangiani qiterlermi.

Islandip kangerpasissuanit paasissutisat naapertorlugit, sanaartornerup nalaani akileraarutitigut isertitaqarniarneq ilimagisamiit ajornakusoorsimasorujussuuvoq, ingerlatsilereernerulli nalaani pilersaarutitigut ingerlanerusimalluni. Sanaartornerup nalaani kinamiunik sulisoqarsimaneq ingerlatsilernermilu islandimiumik sulisoqarneq, qularnanngitsumik tassunga attuumassuteqarsimassaaq. Erngup nukinganik nukissiorfiliornermi kinamiunik sulisoqarneq, islandimi akissaasersuutit aallaavigalugit akileraarutitigut isertitaqarnissaq, soorunami naatsorsuutigisatut isertitsissutaalluanngilaq.

Kalaallit Nunaannut atatillugu allamiunik sulisoqartarneq, soorlu umiarsuani tunitsivinni, umiarsuarni takornariartaatsini illoqarfiullu qanittuani erngup nukinganik nukissiorfiliornermi, nunarsuarmioqatitta akissaasersuuseriaasii napertorlugit qularnanngitsumik aamma akissaasersuisoqarpoq. Tamannalu qularnanngistumik Kalaallit Nunaata illoqarfiini akissaasersuisarnermit appasinnerusumik akissaasersuisoqalersimasoq. Allamiunik sulisoqartarnermut atatillugu akissaatitigut nunarsuarmioqatitsinnut unammillersinnaasunik akissaasersuineq, taamaalilluni Kalaallit Nunaanni suliffeqarfanni arlalinni atugaalereernikuuvoq.

#### Aningaasaqarnikkut allaffissornikkullu kingunerisinnaasai

Akileraartarnermi inatsisip nutarterneqarnerata kingunerisaani aluminiumik aatsitsiviliornerup nalaani kommuni nunanit allanit suliarortut akileraartarnerinit isertitsinaviannngimmat, nunanit allanit suliarortut akissarsiaannut tunngasutigut Qeqqata Kommunianut toqqaannartumik sunniuteqartitsinaviannngilaq.

Taamaattorli nunarsuarmioqatitsinnut unammillersinnaasunik akissaasersuineq, pilersaarutip piviusunngoonnissaanut toqqaannanngikkaluartumik aalajangiisuusinnaavoq, malitsigisaanillu akileraarutitigut isertitatigut ingerlatsinermilu aningaasartutitigut.

#### Allaffeqarfiup naliliinera

Allaffeqarfiup nalilerpaa, aluminiumik aatsitsiviliornermi pilersaarutip aatsitassarsiornermit allaanerussutigigaa, illoqarfioreersup eqqaani inissisimanageratigut ukioq kaajallallugu suliffissaqartitsinnaanissaa. Akerlianillu aatsitassarsiorfiit allamiinnerisigut, amerlanertigut piffissami killilimmi inuilaamilu inissisimasuni suliffissaqartitsisarlutik.



Aluminiumik aatsitsiviliornissamik pilersaarutip aatsitassarsiorneq assignagu, nukiit piujuartut Sermersuamiit immap tungaanut kuuttuartoq atorlugu ingerlassaaq. Tassa erngup nukinga atorlugu nukissiuutiliornissamut atorluarsinnaasoq annertoq iluaqutigineqarani kuuttuarpoq. Akerlianilli aatsitassat ataasiaannarlugit iluaqutigineqarsinnaasarput, tassungalu atatillugu aatsitsiviliornerup nalaani ingerlatsinerullu ingerlanerani Kalaallit Nunaanni akissarsiat annertussusiligaaneri attatiinnarneqartariaqarput. Allatut oqaatigalugu ataavartunik suliffissaqartitsilinngitsumik akileraarutitigullu naatsorsuutigisatut isertitsissutaanngitsumik, nunatta isumalluutaat annissorneqarput.

Aammattaaq allaffeqarfiup nalilerpaa, aluminiumik aatsitsiviliortoqarnerani illoqarfiup nutaartaani sanaartortoqarnerani, kalaallinut naammattumik suliassaqartitsisoqassasoq. Malitsigisaanillu ingerlatsilernermi suliffissani kalaallit kalaallit nunaanni akissaatit naapertorlugit akissarsiaqartut qulakkeerneqartariaqarput.

Taamaalilluni aluminiumik aatsitsiviliornissamik pilersaarummut atatillugu erngup nukinganik nukisiorfiliorneq aluminiumillu aatsitsiviliorneq illoqarfiup nutaartaanik sanaartornermut ingerlatsilernernullu immikkoortinneqarluarsinnaapput. Aatsitassarsiornermullu atatillugu assingusumik agguataarinsaqarsinnaanani, aatsitassarsiornermimi illoqarfiup nutaartassaanik sanaartortoqarneq ajorpoq, akerlianilli barakiliortitertoqartarluni. Taamaalillunilu sanaartornerup ingerlanerani nunarsuarmioqatitsinnut unammillersinnaasunik akissaasiersuisoqartillugu kalaallinut suliassaqartitsinaviarani. Taamatuttaa aatsitassarsiornermi sanaartorneq aatsitassanillu paaanerup nalaa immikkoortikkumi-naakkajuttarput.

Allaffeqarfiup nalilerpaa, tamanna tunngavigalugu aluminiumik aatsitsiviliornerup ingerlanerani nunarsuarmioqatitsinnut unammillersinnaasunik akissaasersukkanik allaminiumik sulisoqarnissamut nuna tamakkerlugu isumatigut naapeqatigiittoqartariaqartoq.

Naalakkersuisut Inatsisartullu kinguneqarluartussamik aaqqissuteqarniapallattariaqarput, ajornanngippat Qeqqata Kommunia Alcoa-lu suleqatigalugit. Massakutut ingerlaannartoqassappat, akissusaaffimmik tigusinissamut alloriartussaartuqarluni nunallu assigiinngitsut akornanni aaqqeeriaatsit immikkut nalilersoqattaarneqassappata, aluminiumik aatsitsiviliornissamik pilersaarutip uningaasusinera nikeriarnaviannigilaq.

Allaffeqarfiulli nalilerpaattaaq, Aluminiumik aatsitsiviliornissamik pilersaaruteqarnermi piumasaqaatit ataatsimut isigalugit Naalakkersuisut Inatsisartullu aaqqiissuteqarniartariaqartut. Najoqqutassat aalajangersarneqanngippata, aluminiumik aatsitsiviliornissamik pilersaarut arlallit patsisaallutik siumukarnaviannigilaq, taamatullu pilersaarusiorniarneq naleqquttuunngilaq. Aatsitassarsiornermut immikkut inatsisiliunneqarnikumut, akuersissuteqarnissamut ersarissunik maleruagassaliunneqarnikumut kiisalu suleqatigiinnissamut kommuninik isumaqatigiissuteqarnissamut piumasaqaatitaqartumut sanilliullugu Aluminiumik aatsitsiviliornissamik pilersaaruteqarnermi pitsaannequtit.

Taamaattumik suli oqaatigiuminaalluni Namminersorlutik Oqartussanit salliutinneqassanersoq:

- Maniitsup illoqarfiani erngup nukinganik nukissiorfik,
- Illoqarfiup nutaartassaata naammattunik inissiaqartup naammassineqarnissaa, taamaalilluni ingerlatsineq aallartinneqareerpat sulisut taammaarsimaffimmi najugaqartiinnarneqassanngim-mata,
- aatsitsivimmit kiammik atorineqanngitsumik atorluanaanissaq
- pilersaarutip ataatsimut isigalugu annertuumik piginneqataanissaq
- aluminiumik aatsitsiviliorfimmi umiarsualiveqarfiup atorluarneqarnerunissaq
- erngup nukissiorfimmuut tunngatillugu akuersissuteqarnissamut piumasaqaatit

Apeqquutit taakku immaqalu allanut tunngasut pillugit Namminersorlutik Oqartussat aalajangiiga-suartuuppat, illoqarfiup nunallumi sinneranik pilersaarusiornissaq naammassilertorneqarsinnaassaga-luarpoq. Piumasaqaatillumi piulertuuppata misissuinerit teknikkumut tunngasut qularnanngitsumik siumukarfiunerulissagaluarpot.

#### Allaffeqarfiup innersuussutaa

Aatsitassanut Attaveqatigiinnermullu Ataatsimiititaliamut, Aningaasaqarnermut Ataatsimiititalia-mut Kommunalbestyrelsimullu akuersissutigisassanngorlugu innersuussutigineqassaaq,

Qeqqata Kommuniata Naalakkersuisut Inatsisartullu kajumissaaqqissagai, aluminiumik aatsitsivilior-nissamut pilersaarummut atatillugu erngup nukissiorfiliornissami aatsitsivilior-nissamilu nunarsuar-mioqatinut unammillersinnaasunut sulisunik akissaasiinissamik naapeqatigiiffeqarnissamut periarfissii-soqassasoq

Qeqqata Kommuniata Kalaallit Nunaanni Namminersorlutik Oqartussat kajumissaaqqissagaa, alumi-niumik aatsitsivilior-nissamut pilersaarummut ataatsimut piumasaqaatit inissitsiterneqassasut

Qeqqata Kommuniata Kalaallit Nunaanni Namminersorlutik Oqartussat Alcoa-lu kajumissaaqqissa-gai, suleqatigiinnissami isumaqatigiisummi Qeqqata Kommuniat ilanngunneqassasoq

#### Aatsitassanut Attaveqatigiinnermullu Ataatsimiititaliami suliap sularinera

Aatsitassanut Attaveqatigiinnermullu Ataatsimiititaliap februaarip 1-ani 2011-mi ataatsimiinnermini allaffeqarfiup innersuussutai akuersissutigineqarput, Aatsitassanut Attaveqatigiinnermullu ataatsi-miititaliamiilli kissaatigineqarluni,

aluminiumik aatsitsivilior-nissamut pilersaarummut atatillugu erngup nukinganik nukissiorfiliornissami aatsitsivilior-nissamilu sulisorineqartut nunanit allaneersut, Maniitsumi eqqaanilu suliassanut allanut illoqarfiup nutaartassaanik sanaartornermi allatulluunniit suliassani atorineqannginnissaat

erngup nukinganik nukissiorfiliornissami aatsitsivilior-nissamilu nunaqavissut sulinissamut mattunne-qannginnissaat erseqqissaasoqassasoq



### **Innersuussut**

Aningaasaqarnermut Ataatsimiititaliamut Kommunalbestyrelsimullu akuersissutigisassanngorlugu innersuussutigineqassaaq,

Qeqqata Kommuniata Naalakkersuisut Inatsisartullu kajumissaaqqissagai, aluminiumik aatsitsiviliornissamut pilersaarummut atatillugu erngup nukissiorfiliornissami aatsitsiviliornissamilu nunarsuarmioqatinut unammillersinnaasunut sulisunik akissaasiinissamik naapeqatigiiffeqarnissamut periarfissii-soqassasoq

aluminiumik aatsitsiviliornissamut pilersaarummut atatillugu erngup nukinganik nukissiorfiliornissami aatsitsiviliornissamilu sulisorineqartut nunanit allaneersut, Maniitsumi eqqaanilu suliassanut allanut illoqarfiup nutaartassaanik sanaartornermi allatulluunniit suliassani atorneqannginnissaat

erngup nukinganik nukissiorfiliornissami aatsitsiviliornissamilu nunaqavissut sulinissamut mattunneqannginnissaat

Qeqqata Kommuniata Kalaallit Nunaanni Namminersorlutik Oqartussat kajumissaaqqissagaa, aluminiumik aatsitsiviliornissamut pilersaarummut ataatsimut piumasaqaatit inssitsiterneqassasut

Qeqqata Kommuniata Kalaallit Nunaanni Namminersorlutik Oqartussat Alcoa-lu kajumissaaqqissagai, suleqatigiinnissami isumaqatigiisummi Qeqqata Kommunian ilanngunneqassasoq

### **Aalajangiineq**

Innersuussutigineqartut akuersissutigineqarput.

### **Ilanngussaq**

1. ”Aluminiumik aatsitsiviliornissamik pilersaarutip aningaasaqarnermut sunniutaa” pillugu 2010-mi januaarimi nalunaarusiaq.

## **Imm. 16 Nunap Immikkoortuisa Ineriartortinnissaannut Pilersaarut Qeqqata Kommuniata ilaatikkusutai**

*Journalnr. 16.01*

### Tunuliaqutaq

Naalakkersuisut 2010-mi namminersorlutik oqartussaanermik isumalioqatigiissitap nalunaarusiaanit allaaveqartut nunap immikkoortuini anguniagassatut pilersaarutit aalajangiuppaat, tamatumani sulinnissap pingaartinneqarnerunissaa aqutissiuunniarlugu, tamannami inuiaqatigiinni ineriartortitsi-nermi politikikkut siunniussanik aallaveqartumut aqutissaammat.

### ***Nunap immikkoortuini ineriartortinnissaannut pilersaarut – anguniagaq***

*"Nunap immikkoortuisa ineriartortinnissaannut pilersaarut inuiaqatigiit imminnut napatittut ineriartortinnissaannut pitsaasumik toqqammavissiiisaaq, kikkut tamarmik ineriartortinnissaannut namminerlu pilersornermikkut inuunerup ingerlannissaannut periarfissaqarlutik."*

### Maleruagassatigut tunggavissaq

NIIP Naalakkersuisunit suliniutaavoq, piffissallu ingerlanerani imaasinnaalluarluni inatsisitigut toqqammavissusallat allanngortinneqartut, tamatumuunani Kalaallit Nunaata siunissaami imminnut nammassinnaanerata pitsaanagerusumik toqqammavissaqarnissaa qulakkaarneqarsinnaassammat.

### Pissutsit atuuttut

Qeqqata Kommuniata siunnersuutaani, suliamut matumunnga ilanngussatut ilanngunneqartoq, Kalaallit Nunaanni inuutissarsiuutitigut unammillernikkut patajaannerusumik killiliussaqaarnikkut piumasagaatit inissinneqarnissaat pingaarnertut aallaavigineqarpoq.

Pingaartillugit samminiakkat pingasut:

- Nunaannaq.
- Teknikki nutaaliornertu
- Angallannikkut attaveqaatit

Saqqummiussami pingaarnertut aallaavigineqarlutik kommunimi pilersaarutit siusinnerusukkulli oqalligineqarsimasut, ingerlariaqqinnissamilu Namminersorlutik Oqartussat oqaloqatiginerini pilersaarutit toqqartukkat ineriartortinneqarnissaat periarfissaqarlussalluni, taamalillunilu aporfissat unamminartortaalutit ersarissarneqassallutik. Pilersaarutit ilaanni imaasinnaalluni inatsisitigut malittarisassatigulluunniit atuuttutitigut allanngortitsinerit pisariaqassasoq.

Saqqummiussaq nassiunneqarpoq, tassa politikikkut akuersissutaappaarnissaat piffissaliussat patissaallutik periarfissaqanngimmat.

### Aningaasaqaarnikkut allaffissornikkullu kingunerisinnaasai

Suliaq manna aningaasaqaarnikkut allaffissornikkullu imaaliinnaq sunniuteqartussaannigillaq, ingerlariaqqinnissamili ineriartortitsinissami pilersaarutinillu allartitsinissami allaffissornikkut suliaassaqaangaatsiarnissaq naatsorsuutigisariaqassalluni, tamakku kommunimit, Namminersorlutik Oqartussanit namminersorlutilluunniit suliffeqarfinit suliarineqassagaluarpata.

### Qullersaqarfiup oqaaseqaataa

Immikkut oqaaseqaatitassaqaanngilaq.



Allaffissornikkut naliliineq

NIIP –mik pilersaarutit naalakkersuisut siulittaasuata allaffeqarfiani inissitaapput, taamalu Naalakkersuisuniit malinnaaffigilluarneqassallutik, tamakkulu aqqutigalugit Kalaallit Nunaanni attaveqarnikkut aqqissuusaaanermi unamminartut/ajornartorsiutit anigorniagassaassallutik.

Massakkumut NIIP-p qanoq ingerlanissaa siulittuutigiuminaappoq, taamaattorli pingaaruteqarluni pilersaarutitigut kommunip suleqataanissaa, tamatumaniilu periarfissanik atorluaanissaa, periarfissat kommunip pilersaarusiordermini periusissaata imarisaaanik ingerlatitseqqiffiusut.

**Innersuussut**

Aningaasaqarnermut ataatsimiititaliap kommunip salliutinniagaatut saqqumiussat saqqumiussatut nassiussat akuersissutigissagai.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. NIIP-mut siunnersuutit – Qeqqata Kommuniani salliutinniakkat.



**Imm. 17 Nunaannarmi Nuna tamakkerlugu pilersaarusiortarnermut akisussaaffimmik  
tigusineq**

*Journalnr 18.01.02*

Tunuliaqutaq

Inatsisartut ukiaanerani ataatsimiinnerminni Pilersaarusiorneq aamma nunaminertat ator neqartarnerat pillugit Inatsisartut inatsisissaat nr. 17, 17. november 2010-imeersoq akuersissutigaat. Nunaannarmi Nuna tamakkerlugu pilersaarusiortarnermi akisussaaffik kommuninut tunniunneqassasoq inatsimmi erserpoq.

Nunaannarmi Nuna tamakkerlugu pilersaarusiortarnermut Aalajangersakkat nutaat pillugit ukiarmi tusarniutigineqarput, matumani Qeqqata Kommuniani Teknikkimut Avatangiisinullu Ataatsimiititaliaq Aningaasaqarnermut Ataatsimiititaliarlu 2010-mi novemarmi ilanngunneqarlutik. Nuna tamakkerlugu pilersaarusiortarnermut Aalajangersakkat taakku sulii akuersissutigineqanngillat.

Maleruagassatigut tunngavissaq

Pilersaarusiorneq aamma nunaminertat ator neqartarnerat pillugit Inatsisartut inatsisissaat nr. 17, 17. november 2010-imeersoq

Pissutsit atuuttut

Kommunip ingerlatsinera Nuna tamakkerlugu pilersaarusiortarnermut Aalajangersakkanut akerliu-sumik ingerlassanngilaq, taamaattorli nunaannarmut pilersaarusiortarnermi akuersissutigineqarnikut sulii atuuttuullutik

Maniitsup eqqaanni 1992-imi 2005-imilu akuersissutaanikunik nunaannarmut pilersaaruteqarpoq, kommunillu taakku tunngavigalugit ingerlatsinikuulluni.

Sisimiut eqqaanni 2005-imi nunaannarmut pilersaarummut siunnersuuteqartoqarnikuuvoq, kommuni-miillu tusarniutigineqarnikuuvoq, taannali akuersissutigineqarnikuunngilaq. Allaffeqarfiup tamatuma malitsigisaanik siunnersuut naapertorlugu aalajanagiivigineqartussanngorlugu Namminersorerullutik Oqartussanut/Namminersorlutik Oqartussanut innersuussuteqarnikuuvoq. Matuma kinguliiniittunik iluarsiissutitalerlugit immikkoortuni pilersaarutit Nuna tamakkerlugu pilersaarusiortarnermut Aalajangersakkanut ilanngunneqarput.

Kangerlussuup eqqaanni immikkoortut nunaannarmut pilersaarummik 2007-imi siunnersuusiasumik pisoqaavallaalersimasumik peqarpoq, tassani Sermersuup tungaanut aqquataata ilaaniittoq Taseq supisartog (Israndsøen) sammineqarnerulluni. Kangerlussuup naapertuuttunngorsarneqarneranut atatillugu Kalaallit Nunaanni Namminersorerullutik Oqartussanit suliaasimavoq. Ingerlatsinermi taanna najoqqutarineqanngilaq.

Aningaasaqarnikkut allaffissornikkullu kingunerisinnaasai

Nunaminertamik atuisarnermut akisussaaffik allaffissornermut tunniunneqarneratigut, aningaasaqar-nikkut allaffissornikkullu tunngasutigit aningaasartuutit kommunimit Nunaannarmi Nuna tamakker-lugu pilersaarusiortarnermi akisussaaffimmik tigusinermigut aningaasartuutinnngornikut, pisariillisar-neqarlutillu annikillisarneqassapput.

Allaffeqarfiup naliliinera

Allaffeqarfiup nalilerpaa, Maniitsup eqqaanni nunaannarmut pilersaarut naapertorlugu Sisimiut eqqaanilu pilersaarummut siunnersuut pingaarnersiorlugu ingerlatsisoqaannarsinnaasoq.

Maniitsup eqqaanni nunaannarmut pilersaarutit nunaminertaanut tunngasut annertusinneqarluarsinnaapput, Sisimiullu eqqaani pilersaarut kommunimi pilersaarutip mississorneqarnerani inaarutaasumik ilanngunneqarsinnaassaaq.

Sisimiullu eqqaani pilersaarummut siunnersuummut atatillugu immikkoortoq D.9.1 Nunaannarmi Nuna tamakkerlugu pilersaarusiortarnermut Aalajangersakkanit peerneqarpoq, immikkoortullu D.9.11 aamma D.9 17. Nunaannarmi Nuna tamakkerlugu pilersaarusiortarnermut Aalajangersakkani annikillineqarlutik.

Immikkoortuni D.9.2-mi D.9. 18 – 20-milu illuaqqat qaninnerpaamik 60 m-imik akunneqartarnissaa peqatigitillugu sulissutigineqarpoq, qaninnerpaaffissamik aalajangersagaq nunaannarmi pilersaarummi 500 m-iutinneqaralarpoq.

Allaffeqarfiup akerlianik nalilerpaa, Kangerlussuarmi soqutigisat assigiinngitsut pissutaallutik, matumani inuutissarsiutigalugu sunngiffimmilu pinaluttartut, tammaviutsussarsiortunik piniartitsisartut, takornariartitsisartut innuttaasullu qasuersarfissarsiornissaat ilanngullugit, Kangerlussuup eqqaani nunaannarmut pilersaarummut siunnersuut pisoqalinikoq naapertorlugu ingerlatsisoqartariaqanngitsoq. Taamaammat Kangerlussuup eqqaanut Nunaannarmi Nuna tamakkerlugu pilersaarusiortoqarnissaa piaartumik pisariaqarpoq. Pilersaarut taanna 2010-mi aqutsinermi pilersaarummut naapertuuttuussaaq, Kangerlussuarmilu aningaasarsiornissamut periarfissarpasuit eqqarsaatigalugit sapinngisamik salliutinneqartariaqarluni.

Naleqquttumik nunaminertamik atuisarnej ersarissarniarlugu aqutsinermi pilersaarutaareersumut ilassutissatut, Kangerlussuup eqqaani nunaannarmi immikkoortut pilersaarusiorneqarnissaat tunngavissaqartinniarlugu sulissuteqartoqassaaq (kommunimut pilersuurummut tapiliussaq).

Allaffeqarfiup innersuussutaa

Allaffeqarfiup Teknikkimut Avatangiisinullu ataatsimiititaliamut Aningaasaqarnermullu Ataatsimiititaliamut akuersissutigisassanngorlugu innersuussutigissavaa,

- Maniitsup eqqaani nunaannarmut pilersaarut naapertorlugu ingerlatsineq ingerlaannassasoq
- Sisimiut eqqaani nunaannarmut pilersaarummut siunnersuut naapertorlugu ingerlatsineq ingerlaannassasoq, taamaattorli D.9.1 Nunalu tamakkerlugu pilersaarusiortarnermut Aalajangersakkat naapertorlugit immikkoortut D.9.11 aamma D.9 17. annikillisinneqarnikut minillugit
- Kangerlussuup eqqaani immikkoortut nunaannarmut pilersaarummut siunnersuut pisoqaavallaalersimasoq naapertorlugu ingerlatsisoqassanngitsoq
- Teknikkimut Avatangiisinullu Immikkoortorta najoqqutassiat taakku iluaniittut naapertorlugit ingerlatsinissamik piginnaatinneqassasoq
- Teknikkimut Avatangiisinullu Immikkoortorta nunaannarmi nunaminertamik atugassinneqarnissamut qinnuteqaatinik, najoqqutassanik matuma siuliini taaneqartunik eqqortitsinngitsunik itigartitsisassasoq
- Nunaannarmi nunaminertamik atugassinneqarnissamut qinnuteqaatit, najoqqutassanik eqqortitsinngitsut taamaattorli allaffeqarfimmit immikkut ittunik tunngaveqartumik akuersissutigineqarnissaanut innersuunneqarusuttut, Teknikkimut Avatangiisinullu Ataatsimiititaliamut saqqummiunneqartassasut



- Maniitsup eqqaani nunaannarmut pilersaarummut Sisimiullu eqqaani nunaannarmut pilersaarummut siunnersuummut kiisalu Kangerlussuup eqqaani nunaannarmut pilersaarummut iluarsissutit kommunimut pilersaarummut sapinngisamik ilanngunneqassasut

#### Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap februaarip 1-ani 2011-mi ataatsimiinnermini allaffeqarfiup innersuussutaa akuersissutigai, ilassuserneqarlunilu akuersissutinut tunngasut kommuninit tiguneqarsinnaaneri misissorneqassasut.

#### **Innersuussut**

Teknikkimut Avatangiisinullu ataatsimiititaliap Aningaasaqarnermut ataatsimiititaliamut akuersissutigisassanngorlugu innersuussutigissavaa,

- Maniitsup eqqaani nunaannarmut pilersaarut naapertorlugu ingerlatsineq ingerlaannassasoq
- Sisimiut eqqaani nunaannarmut pilersaarummut siunnersuut naapertorlugu ingerlatsineq ingerlaannassasoq, taamaattorli D.9.1 Nunalu tamakkerlugu pilersaarusiortarnermut Aalajangersakkat naapertorlugit immikkoortut D.9.11 aamma D.9 17. annikillisinneqarnikut minillugit
- Kangerlussuup eqqaani immikkoortut nunaannarmut pilersaarummut siunnersuut pisoqaavallaalersimasoq naapertorlugu ingerlatsisoqassanngitsoq
- Teknikkimut Avatangiisinullu Immikkoortorta najoqqutassiat taakku iluaniittut naapertorlugit ingerlatsinissamik piginnaatinneqassasoq
- Teknikkimut Avatangiisinullu Immikkoortorta nunaannarmi nunaminertamik atugassinneqarnissamat qinnuteqaatinik, najoqqutassanik matuma siuliini taaneqartunik eqqortitsinngitsunik itigartitsisassasoq
- Nunaannarmi nunaminertamik atugassinneqarnissamat qinnuteqaatit, najoqqutassanik eqqortitsinngitsut taamaattorli allaffeqarfimmit immikkut ittunik tunngaveqartumik akuersissutigineqarnissaanut innersuunneqarusuttut, Teknikkimut Avatangiisinullu Ataatsimiititaliamut saqqummiunneqartassasut
- Maniitsup eqqaani nunaannarmut pilersaarummut Sisimiullu eqqaani nunaannarmut pilersaarummut siunnersuummut kiisalu Kangerlussuup eqqaani nunaannarmut pilersaarummut iluarsissutit kommunimut pilersaarummut sapinngisamik ilanngunneqassasut
- akuersissutinut tunngasut kommuninit tiguneqarsinnaaneri misissorneqassasut.

#### **Aalajangiineq**

Innersuussutigineqartut akuersissutigineqarput, tuliuttoq ilanngullugu

Sisimiuni immikkoortoq K 4-p ilaa illuaqqiorfissaajunnaarsinneqassasoq, kommunillu pilersaarusiortfigineqarnissaanut umiarsualiveqarfissanngortinneqarluni.

#### **Ilanngussat**

1. Pilersaarusiortneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
2. Maniitsumi Apussuarnut N1-imi immikkoortortamut pilersaarut
3. Maniitsumi nunaannarmut pilersaarut nr. 2
4. Sisimiuni nunaannarmut pilersaarummut siunnersuut nr. 1
5. Kangerlussuarmi nunaannarmut pilersaarummut siunnersuut pingajua (qallunaatuinnaavoq)



**Imm. 18      Kommunimi pilersaarummut tapiliut nr. 40-tut siunnersuut**

*Journalnr. 16.03*

Tunuliaqutaq

Kangerlussuarmi inissamik, pingaartumik ilaqutariinnut ataatsinut illunik qinnuteqartut annertusiar-tuinnartut akuersissuteqarfiginissaat anguniarlugu kommunimut pilersaarummut tapiliussaq una sulia-rineqarpoq.

Inuutissarsiuuteqarfik B4-p kujataatungaa inissiaqarfinngorlugu Kommunimut pilersaarummut tapiliussakkut allanngortinniineqarpoq. Immikkoortoq inissiaqarfimmu ilaqutariinnut ataatsinut illutaqartumut kiisalu kiffartuussiveqarfiusumut pissusissamisoortumik uiggiutaasinnaasumi inissisi-mavoq.

Maleruagassatut tunngavissaq

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq, ilanngussaq 2 takuuk.

Pissutsit atuuttut

Immikkoortitaq ullumikkut suliffeqarfiuvoq, tassaniillutik katersugaasivik B-1714, sulisunut inissiaq B-1715, inersuaq toqqorsivik B-1718 telekrydsfeltulu B-1719 kiisalu kiisalu US-basep nukissiorfi-kuata kujataatungaaani illut atorneqanngitsut marluk B-1716 aamma B-1717.

Sanaartorfigissaanermut atortussat piniarneqassapput, umiarsuakkullu assartorneqassallutik. Taamaattumik siunnersuut piaartumik tusarniutigineqartariaqarluni, taamaalilluni Kangerlussuarmut umiarsuup kingulliup tikinnissaa sioqqullugu akuersissutigineqarsinnaaniassammat. Ukioq manna sanaartorfigissaasoqarsinnaanersoq aalajangiisuusorujussuussaaq.

Aningaasaqarnikkut allaffissornikkullu kingunerisinnaasai

Tapiliussaq 40-tut siunnersuut sapaatip akunnerini arfineq pingasuni tusarniutigineqassaaq, kingor-nalu tusarniummut akissutit isumagineqassallutik, malitsigisaanillu inaarutaasumik akuersissutigine-qarnissaanut innersuusiortoqassalluni.

Tamakkiisumik sanaartorfigissaasoqarnissaa 5.974.900 koruuninik missiliunneqarpoq. Sanaartorfi-gissaaneq m<sup>2</sup>-imut agguataarneqassaaq. Immikkoortup immikkoortuani sanaartorfissat tulluuttutut annertutigipput:

A7.1: 1440 m<sup>2</sup>

A7.2: 1080 m<sup>2</sup>

A7.3: 2000 m<sup>2</sup>

A7.4: naammassillugu sanaartorfioreerpoq

A7.5: 2100 m<sup>2</sup>

Katillugit 6620 m<sup>2</sup>-iupput, taamaalilluni m<sup>2</sup>-imut 902,55 koruuneqassaaq.

Assersuutigalugu ilaqutariinnut ataatsinut illu 150 m<sup>2</sup>-isut annertutigisumik toqqavilik 135.383 koruuneqarpoq.

Qullersaqarfiup oqaaseqaatai

Immikkut oqaaseqaatitassaqaanngilaq

Allaffeqarfiup naliliinera

Kangerlussuarmi inissaalineq iilersaarummut siunnersuutikkut aaqqinneqassaaq, immikkoortumullu kiisalu nunataanut naleqqussagaasunik assigiinngisitaartunik sanaartortoqarnissaanut periarfissiilluni. Allaffeqarfiup innersuussutigaa, tapiliussaq 40-tut siunnersuut sapaatip akunnerini arfinilinni tusarniutigineqassasoq.

**Innersuussut**

Allaffeqarfiup innersuussutigaa, tapiliussaq 40-tut siunnersuut sapaatip akunnerini arfineq pingasuni tusarniutigineqassasoq

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Kangerlussuarmi mittarfiup kujataatungaani inissiaqarfissatut kommunimi pilersaarummut tapiliussaq nr. 40-tut siunnersuut
2. Pilersaaruserneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq.
3. Sanaartorfigissaanissamut missiliuut.

**Imm. 19 Akiani Maniitsumilu nutaanik inissialiorfissat pillugit najoqqutassatut oqaluuserinnineq**

*Journal nr. 18.01.02*

Tunuliaqutaq

Pilersaarusionermi periusissatut takorluukkat anguniakkallu ingerlateqqinneqarnissaannik siunertaqartumik aamma Qeqqatalu sanaartorfigissaatitsisarnerata ineriartortinneqarnissaannik siunertaqartumik, arlaqartut najoqqutassatut eqqartugassatut saqqummiunneqarput.

”Inissiat, sanaartorneq inissialiornerlu”-mi pilersaarutitut periusissami ilaatigut tulluuttutigut eqqaaneqartut takorluukkat anguniakkallu najoqqutassatut eqqatugassamut attuumassuteqartut takutinneqarput:

- Sanaartorfigissarneqarsimasunik inissialiorfissaqarnissaq qulakkeerusupparput.
- Namminerisamik illuutinik sanaartornianut tapiissuteqarnikkut namminerisamik illuutillit amerlisarneqarnissaat pilersikkusupparput
- Inissiaqarfiit nalinginnaasut pitsaasullu ilaatigut utoqqarnut, innarluutilinnut ilinniartunullu inissiatallit qulakkeerusuppavut.
- Inissiaqarfiit illoqarfiullu qiterpasissua qorsooqqissulersorlugit, pisuinnarnut aqutissalersorlugit, pinnguarterfilersorlugit illoqannginersalersolugillu orniginartuutikkusuppavut.
- Utoqqarnut pitsorluttunullu kissalu ilaqutariinnut meerartalinnut pitsaasunik appakaaffissalersuinissaq salliutikkusupparput.

Ataasiakkaatigut eqqartuinermi inissiaqarfiit qanoq orniginarsarneqassanersut pigaarnerutinneqassapput. Kalaallit Nunaanni aamma innuttaasut illumik sanaartornissamut atatillugu kissaataanni parcelhusiliat allanut atanngitsut piumaneqarnerupput, aammali eqimattakkaat kissaatigisarlugu ataatsimoorussamik aqqissugaamillu inissialiorneq, peqatigiilluni nalinginnaasumik inissialiat pigineqatigiillunilu illuliat.

Kissaatigisatut inissiaq tassaatinneqarpoq:

- Ilaqutariinnut ataatsinut illut imlt. inissiat quleriit.
- Isikkivik pitsaasoq.
- Aneerasaartarfik – qui – garage erfalatorlu
- Illup qanittuani immaqa garageap/quip eqqaani biilinnut, umiatsiamut qamuterallannullu inissaq.
- Sukisaarfusinnaasut/qasuarsarfusinnaasut tikikkuminartut – pinngortitaq il.il.
- Aqqusinerngit angallannikkut isumannaatsut – aqqusineqqamut – sisorarnermi illinilianut, kiisalu qimussinut qamuterallannullu aqutinnut atassusikkat.
- Pisortat kiffartuussivii tikikkuminartut – atuarfiit – meeraaqqeriviit – meeqqeriviit.
- Pisinniarfiit ulluinnarnilu pisinniarfusinnaasut tikikkuminartut.
- Angallatit najukkap qanittuani umiatsiaralivinniittut tikikkuminartut.
- Suliffigisat tikikkuminartut.



Kissaatit tamakkerlugit piviusunngortinneqarnissaat ilaatigut arlaannik patsiseqartumik ajornaku-soorsinnaasarpoq – patsisaanerpaasarlunili ikinnerusut akissaqartitaannut akigitinneqartumut akissaa-suaneg. Parcelhusinik sanaartorneq aamma pukkitsuuneri akulikissusiilu pissutaallutik sanaartorfigis-sarneqarneri sanaartortarnermi tunngaviatigut akisunerpaavoq.

Sisimiut Akiani inissialiornissat (Ilanngussaq 1) Maniitsumilu annertusaaneq akulikissuserlu pillugit 70 N-imit saqqummiussat najoqqutassatut oqaluuserinninnermi aallaaviussapput:

**1. Appakaaffissat sanaartorfiunngitsullu.**

Maniitsumi Sisimiunilu sanaartukkat ilisimassatta amerlanersaanni, nunaminertat inissaat illut allat qanittumiittut eqqarsaatigalugit aneerasaartarfilersornerinut il.il. aqqissornerqarneri eqqartaatigineqarsimanngillat. Apeqqutaassallunili periarfissaasinnaasuni taakkunani ilanngunneqarsinnaasut eqqarsaatigalugit ilungersuutigalugit ilungersuutigineqassanersut. (Najoqqutassatut ilanngussaq 2 aamma 3).

Periarfissaasinnaallunili 70 N-imit siunnersuutaasimasooq malillugu assersukkanik aneerasaar-tarfiliinikkut illup pitsaassusaa annertusarneqarsinnaavoq. (Ilanngussaq 4).

**2. Isertarfik innaarluutilinnut naleqqussagaq.**

Innarluutilinnut naleqqussakkamik isertarfiliinissaq, Kalaallit Nunaat taamak maniinersaqar-tigisoq unammiarnartuujuaannassaaq. Inissiaq pingasunik qulereeqarpat inimi allermi isertarfeqarnissaq kiisalu sisamanik qulereeqartillugu elevatoreqarnissaa Sanaartornermi inatsimmi piumasaqaataavoq.

Taamaattumik 2-nik 3-nilluunniit inissialiornermut taarsiullugu 4-nik quleriilinnik inissialior-toqassappat, pitsaasunik isertarfiliisinnaanissamat pitsaanerpaajussaaq. (Ilanngussaq 5)

**3. Illut portussusii.**

Illut portussusissaat sorliit aallaavigineqassappat, sumilu inissinneqassappat. Matuma eqqar-tornissaanut atatillugu siuliini sammineqartumut qanittuararsuuvoq, sumili inissiinissaq apeqqutaasorujussuussalluni. Qaqqap tungaanut portunerpaamik sumi sanaartortoqarsinnaa-nersooq isikkivillu eqqarsaatigalugu, ilaqutariinnut ataaatsinut illuliat ataatsimik quleriillit kisiisa sanaartornerisigut, illuliornissap annikinnerutinneqarnissaa ilanngussaq 6-imi takutin-niarneqarpoq.

Inernilunneqarsinnaasooq tassaalluni illoqarfiup qiterpasissuani portunernik akulikinnerusu-nillu inissialiorsinnaavugut, ass. 5 – 7-nik quleriilinnik, peqatigitillugulu nutaanik inissiaqarfi-liornermut atatillugu qaqqat portunerumaat tunuliaqutsiullugit ikittunnguanik inissianik portusuuliorsinnaavugut, ass. Akiani Maniitsumilu illoqarfiup nutaartaani.

**4. Sanaartortitsisunut kiffaanngissuseqartitsineruneg.**

Immikkoortuni killeqarfiit iluini sanaartugassat sumerpiaq inissinneqassanersut sanaartortitsi-sunik kiffaanngissuseqarnerutitsineq.

Sanaartortugut sanaartortitsisugullu sanaartukkanut ataasiakkaanut aqqissuisinnaanissamat kiffaanngissuseqarnerunissartik ujartorpaat. Tamanna pillugu Akia-ni immikkoortuni sanaar-tornissami killiliussat annertusarneqarnissaannut najoqqutassiorniarpugut, sanaartornissami nammineq pingaernerusorisartik aallaavigalugu sanaartorfissap iluini naleqqussaasalernissaq pisinnaaqqullugu. Kommunimut pilersaarummut tapiliussami sanaartukkat portussusiinut, sanaartukkat akulikissusiinut, aqqusinermut appakaaffissat assigisaallu sulii aalajangersarne-qartassapput (Ilanngussaq 7).



**5. Qaqqaq najoqqutaralugu qaqqap tungaanuunngitsoq sanaartorneq.**

Maniitsup allilerneqarnissaanut atatillugu nalunaarusiamini 70 N-ip siunnersuutigaa, toqqa-vikkaarsuarnut taarsiullugu qaqqap ilusaa najoqqutaralugu naleqqussarneqarsinnaasunik aneerasaartarfilinnik illiliornissamik sanaartornerussasugut. Taamatut najoqqutaqarnikkut Maniitsumi heliportitoqqami misileraalluni nutaanik illuliortoqarnissaq siunniunneqarpoq. (Ilanngussaq 8 aamma 9) najoqqutaq taanna immaqaa Sisimiut illoqarfiani immaqalu Akiani najoqqutarilluarneqarsinnaassaaq.

**6. Inissiat orniginartut akulikissuserlu.**

Inissiat tamanut orniginarnerusut qanoq qulakkeerneqarsinnaaneri najoqqutassiami tassani pineqarpoq, Sisimiuni Maniitsumilu illoqarfiup qiterpasissuani akulikinnerusunik akuleriiaanik illuliortiternissaq – inissiat, allaffeqarfiit niuertarfillu, qanoq pilersaarusiorfigineqassanersut oqallinnermi sammineqarnerussallutik, tassani piviusumik illoqarfimmi inuuneq tunngavilerneqarnissaa siunertaralugu. Ilanngussaq 10.

Inissianik assigiinngisitaartunik neqerooruteqarnikkut najugaqarfiit atugarliorfiunerusut pinngitsoortinneqarnissaat aallaavigineqarpoq, taamaalilluni portusuunik inissialiornikkut inissiaruatoqqat kataassimasunngortinnagit taarserneqarsinnaaqqullugit.

Allatut oqaatigalugu tamanut orniginarsinnaasunik assigiinngisitaarluartunik illuni qanoq neqeroorusiorsinnaavugut.

Pissutsit atuuttut

Najoqqutassatut tunngavissaliornermut atatillugu Akiani immikkoortut 22 aamma 23 aallaaviupput, Maniitsumiillu assersuutit ilanngunneqarnikuullutik.

Maleruagassatigut tunngavissat

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

Aningaasaqarnikkut allaffissornikkullu kingunerisinnaasai.

Najoqqutassanik oqaluserinninnermut atatillugu Kommuniq aningaasaqarneranut allaffissornikkulluunniit sunniuteqartussatut isikkoqarpallaanngilaq.

Qullersaqarfiup oqaaseqaatai

Immikkut oqaaseqaatitassaqaanngilaq.

Allaffeqarfiup naliliinera.

Kommunimut pilersaarummut tapiliussassaq sioqqullugu aamma inissiaqarfissanut tunngatillugu kommunimut pilersaarummut tapiliussassaliornissaq sioqqullugu, sutigut kissaatinik pingaarnersiuisoqassanersoq politikikkut nalunaaruteqarnissaq pingaartuuvoq. Najoqqutassat assigiinngitsut oqallisissianngorlugit inissitsiterneqarneri ilanngussami takutinniarneqarput, taamaalilluta allaffissornikkut suliaqartugut politikkerit isumaat takorloorsinnaanerulissagatsigu, soorluli aamma ajornartorsiutit assigiinngitsut politikkerit tungaaniit paasiuminarnerulissasut.





Pissutsini piviusuni takussutissiarineqarneratut taamak ajornaatsuinnaatigineq ajormata erseqqissar-  
neqassaaq, najukkamilu pissutsit aningaasaqarnermut allamulluunniit tunngassuteqartut apeqqutaal-  
lutik, allatut iliuuseqartariaqartarnissaq aaqqiissutissarsiorallarnissarluunniit pisariaqarsinnaasassaaq.

Allaffeqarfiup innersuussutaa

Teknikkimut Avatangiisinullu ataatsimiititaliaq ajornartorsiutinut saqqummiunneqartunut isummanik  
nalunaaruteqassasoq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap februaarip 1-ani 2011-mi ataatsimiinnermini suliaq  
tusaatissatut tiguaa.

**Innersuussut**

Aningaasaqarnermut ataatsimiititaliaq ajornartorsiutinut saqqummiunneqartunut isummanik nalunaa-  
ruteqassasoq.

**Aalajangiineq**

Tusaatissatut tiguneqarpoq.

**Ilanngussaq**

1. Najoqqutassatut tunngaviit.

**Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera**

**Imm. 20 Atorfeqartitanut tunngasutigut paasissutissiineq februaarip 1-ani 2011-meersoq**

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat

Maniitsoq:

1. Atorfinitsitat

Suliffik	Ateq	Atorfik	Ulloq atorfiniffik
Området for Uddannelse	Lønne Levisen	Lærer	1.december 2010
Stabsfunktionen	Peter Søren Olsen	aluminiumskoordinator	1.januar 2011
Området for Teknik og miljø	Søren Egede	Vejformand, Kangaamiut	1.februar 2011
Området for Uddannelse	Pernille Kristensen	Lærer	1.januar 2011
Området for Familie	Jonna Efraimsen	afdelingsleder	15/1-15/6-2011
Stabsfunktionen	Tønnes K Berthelsen	Projektkonsulent	1/1-31/3-2011

2. Soraartut

Suliffik	Ateq	Atorfik	Ulloq suliunnaarfik
Området for Familie	Karl Kristian Kristoffersen	fuldmægtig	28.februar 2011
Området for Familie	Hansigne Heilmann	Sundhedsassistent, alderdomshjemmet	28.februar 2011

Sisimiut:

1. Atorfinitsitat

Suliffik	Ateq	Atorfik	Ulloq atorfiniffik
Området for Familie	Patricia Hansen	Miljøarbejder, Fam.center	1.februar 2011
Området for Teknik og miljø	Laasi Kristiansen	Arealsagsbehandler	15.februar 2011
Direktion, bygdekantoret i Sarfannguit	Johanne Nathansen	Medhjælper, Sarfannguit	1.februar 2011
Området for Uddannelse	Aaju Johansigne Petersen	Medhjælper b-have"Åjo"	1.januar 2011

2. Soraartut

Suliffik	Ateq	Atorfik	Ulloq suliunnaarfik
Området for uddannelse	Beate Platou	Lærer, Kangerlussuaq	31.januar 2011
Området for uddannelse	Katrine Berthelsen	Køkkenleder, Naalu	31.januar 2011
Direktion, bygdekantoret i Itilleq	Karl Jakob Kleist	overassistent	4.januar 2011
Området for Teknik og miljø	Rasmus Enoksen Holt	Sagsbehandler	31.januar 2011
Området for Økonomi	Hans Henrik Hansen	Controller i økonomistaben	31.juli 2011
Området for Familie	Anja Petersen	Handicapsagsbehandler	28.februar 2011
Området for Uddannelse	Frederikke Filemonsén	lærer	31.marts 2011
Området for Familie	Jørgen Poulsen	Overassistent amk	28.februar 2011
Området for uddannelse	Karl Thue Nathanielsen	lærer	30.april 2011



**Aningaasaqarnermut ataatsimiititaliap februaarip 15-ani 2011-mi ileqquusumik  
ataatsimiinnerata 01/2011-p imaqarniliornera**

**3. Inissaqartitsinissamik utaqquisut Sisimiuni**

<b>Suliffik</b>	<b>Ateq</b>	<b>Atorfik</b>	<b>Ulloq atorfiniffik</b>	<b>Init qassit</b>
Området for uddannelse	Ane Sofie Petersen	Pædagog Nuka	1.januar 2011	4-rums
Området for Familie	Christian P Broberg	Miljøarbejder	1.december 2011	4-rums
Området for Familie	Patricia Hansen	Miljøarbejder	1.februar 2011	3-rums

**Innersuussut**

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

**Aalajangiineq**

Paasissutissatut tiguneqarpoq.

**Ilanngussaq**

Ilanngussaqanngilaq

**Imm. 21 Tamalaat**

Utoqqaat ornittagaannut Kristinamut aningaasaliissutit pillugit, utoqqaallu kalaaliminernik tuniniaasinnaanerat pillugu Karl Lyberthip apeqquataa allakkatigut akissuteqarfigineqassaaq.

